

# Rhapsodi ya Uhakika

**...KITABU CHA KILA SIKU**

---

---

*Chris Oyakhilome*



Unless otherwise indicated, all Scripture quotations are taken from the *King James Version* of the Bible.

A KEY FOR OTHER BIBLE VERSIONS USED:

NKJV	-New King James Version
AMP	-The Amplified Bible
AMPC	-The Amplified Classic Bible
TANT	-The Amplified New Translation
TLB	-The Living Bible
CEV	-Contemporary English Version
NASB	-New American Standard Bible
ISV	-International Standard Version
NIV	-New International Version
MSG	-The Message Translation
WEB	-The World English Bible
TNLT	-The New Living Translation
ASV	-American Standard Version
TEV	-Today's English Version
RSV	-Revised Standard Version
GNB	-Good News Bible
WNT	-Weymouth New Testament
NRSV	-New Revised Standard Version
MOFFAT	-Moffatt New Translation
WESNT	-Wesley New Testament
EBR	-Rotherham's Emphasized Bible
DRB	-Douay-Rheims Bible
TPT	-The Passion Translation
CJB	-Complete Jewish Bible

***Rhapsodi Ya Uhakika ...cha kujisomea kila siku***

ISSN 1596-6984

Mei 2023 edition

Copyright © 2023 by LoveWorld Publishing

---

FOR MORE INFORMATION AND TO PLACE ORDERS:

**UNITED KINGDOM:**

Unit C2, Thames View Business Centre,  
Barlow Way Rainham-Essex, RM13 8BT.  
Tel.: +44 (0)1708 556 604  
+44 (0)8001310604

**USA:**

Christ Embassy Houston,  
8623 Hemlock Hill Drive  
Houston, Texas. 77083  
Tel.: +1(800) 620-8522

**NIGERIA:**

Plot 105, Chris Oyakhilome Crescent,  
Abuja, Nigeria.

Plot 22/23 Billingsway Road, Oregun,  
Ikeja, Lagos.  
P.O. Box 13563 Ikeja, Lagos  
Tel.: +234 1 8888186

**SOUTH AFRICA:**

303 Pretoria Avenue  
Cnr. Harley and Braam Fischer,  
Randburg, Gauteng 2194  
South Africa.  
Tel.: +27 11 326 0971

**CANADA:**

LoveWorld Publishing Canada  
4101 Steeles Ave W, Suite 204  
Toronto, Ontario  
Canada M3N 1V7  
Tel.: +1 416-667-9191

*www.rhapsodyofrealities.org*

*email: rorcUSTOMERCARE@loveworld360.com*

---

Haki zote zimeifadhiwa chini ya Sheria ya Kimataifa ya Hati-miliki. Yaliyomo na/au jadala la njе haviruhusiwi kuzalishwa kwa sehemu au kiasi chote bila idhini ya Loveworld Publishing (Uchapishaji)

## Utangulizi

Hekooo! Kitabu chako pendwa cha kila siku, Rhapsodi ya Uhakika, sasa kinapatikana katika lugha 7,858 za ulimwenguni, na bado tunaendelea kuhesabu lugha mpya zinazoongezeka katika kutafsiriwa. Tunaamini kuwa toleo la mwaka 2023 la kitabu hiki cha kila siku litaboresha ukuaji wako wa kiroho na kukusababishia maendeleo pamoja na kukupa mwangaza mpana wa mafanikio mwaka mzima. Mawazo yenye kubadilisha katika toleo hili yatakuburudisha, kukubadilisha na kukuandaa kwa ajili ya utimilifu, uzaaji matunda, na kukupatia uzoefu wenye manufaa katika Neno la Mungu.

### -NAMNA YA KUTUMIA KITABU HIKI CHA KILA SIKU NA KUPATA MATOKEO YA KIWANGO CHA JUU-

- Jifunze na tafakari kwa makini makala za kila siku. Tamka kwa sauti **Ukiri** na **Sala** zilizo katika nakala ya siku kutakuhakikishia matokeo katika maisha yako sawasawa na **Ukiri** wako wa Neno la Mungu.
- Soma Biblia yote aidha kwa kutumia muongozo wa mwaka mmoja au ule muongozo wa miaka miwili
- Unaweza kugawanya mpango [muongozo] wa kujisomea Biblia kila siku katika makundi makubwa mawili yaani - asubuhi na jioni.
- Katika hali ya **Sala** [Sala] tumia kitabu hiki cha kila siku na orodhesha malengo yako kwa ajili ya kila mwezi, na kisha pima mafanikio yako kwa jinsi unavyokamilisha lengo moja baada ya jingine.

Tunakukaribisha wewe katika kufurahia uwepo wa kitukufu wa Mungu na ushindi katika mwaka mzima, kwa namna unavyopata dozi kila siku katika Neno la Mungu! Tunawapenda wote! Mungu awabariki!

-Pastor Chris Oyakhilome

## TAARIFA BINAFSI

Jina:

Anuani ya Nyumbani:

Namba ya Simu ya Nyumbani:

Namba ya Simu ya Kiganjani:

Barua pepe:

Anuani ya Biashara:

MALENGO YA MWEZI:

# Rhapsodi ya Uhakika

**...KITABU CHA KILA SIKU**

---

[www.rhapsodyofrealities.org](http://www.rhapsodyofrealities.org)



JUMATATUS 1

## BARAKA ZOTE ZA MBINGUNI NDANI YAKO



*Atukuzwe Mungu, Baba wa Bwana wetu Yesu Kristo, aliyetubariki kwa baraka zote za rohoni, katika ulimwengu wa roho, ndani yake Kristo (Waefeso 1:3).*

**N**ingependa kwa Mungu kwamba kila Mkristo Nangelifahamu umuhimu na undani wa kile tulichosoma hivi punde katika mstari wetu wa ufunguzi! Katika mstari uliotangulia wa 16, mtume Paulo alinukuu ahadi ya Mungu katika Agano la Kale ya kukaa (kufanya makao) ndani ya mwanadamu na utimizo uliofuata wa ahadi hiyo. Alisema, "...*kwa maana ninyi ni hekalu la Mungu aliye hai; kama Mungu alivyosema, Nitakaa ndani yao, na ndani yao nitatembea; nami nitakuwa Mungu wao, nao watakuwa watu wangu.*"

Ni baraka iliyoje; ni utukufu ulioje kuwa na Roho Mtakatifu katika maisha yetu leo! Yeye ndiye baraka kuu kuliko zote; faida yako kuu. Anajua kila kitu na Anamiliki kila kitu. Kuwa Naye ndani yako inamaanisha uko tayari kuyakabili maisha. Yeye ndiye unachohitaji ili uwe kila kitu ambacho Mungu alikukusudia kuwa na kutimiza hatima yako katika maisha na katika Injili.

1 Wakorintho 2:12 inasema, "*Lakini sisi hatukuipokea roho ya dunia, bali Roho atokaye kwa Mungu, makusudi tupate kuyajua tuliyokirimiwa na Mungu.*" Bila Yeye, huwezi kujua yote ambayo Mungu amekubariki na

kukupa katika Kristo. Kuna baraka na manufaa kutoka kwa Mungu kwa ajili yako kila siku (Zaburi 68:19, Mathayo 6:11, Luka 11:3). Roho Mtakatifu anakuongoza katika baraka hizo na Anahakikisha kwamba unazifurahia.

Ishi kila siku ukiwa na ufahamu kwamba wewe ni hekalu la Roho Mtakatifu. Atakamilisha kazi na huduma Yake maishani mwako. Yeye ni Roho wa neema; Yeye ni Roho wa ubora. Furaha Yake ni kufanya maisha yako kuwa bora na yaliyojaa utukufu; ili kukamilisha kila kitu kinachokuhusu.

Roho Mtakatifu ndani yako ni hakikisho lako kwa maisha yapitayo kawaida ya ushindi, utawala, utele na uwezekano usio na kikomo. Yeye ni nguvu na utukufu wa maisha yako. Kuwa na ufahamu zaidi juu Yake; uwepo Wake ndani yako. Ndani yako zinakaa neema, baraka, hekima na wema wote wa mbinguni, kwa sababu Roho Mtakatifu anaishi ndani yako. Kwa hiyo, ishi kutokea ndani. Mungu asifiwe!

## UKIRI

Ndani yangu zinakaa neema, baraka, hekima na wema wote wa mbinguni, kwa sababu Roho Mtakatifu anaishi ndani yangu. Mimi ni maskani Yake iliyo hai. Kila kitu ninachohitaji kwa maisha na utauwa kiko ndani yangu kwa Roho Mtakatifu. Yeye ni nguvu na utukufu wa maisha yangu. Haleluya!

### **MAFUNZO ZAIDI:**

Waefeso 1:3 AMPC; 1 Wakorintho 3:21-23; 2 Petro 1:3

#### **MPANGO WA KUSOMA BIBLIA KWA MWAKA 1:**

Luka 24:13-35 & 2 Samweli 9-11

#### **MPANGO WA KUSOMA BIBLIA KWA MIAKA 2:**

Marko 6:45-56 & Hesabu 4



JUMANNE 2

## ACHA KUTAABIKA



*Kwa maana yeye aliyeingia katika raha yake amestarehe mwenyewe katika kazi yake, kama vile Mungu alivyostarehe katika kazi zake (Waebrania 4:10).*

**K**ila kitu ambacho Mungu ameweka katika dunia khii si kwa ajili ya malaika, mapepo, au kwa ajili Yake mwenyewe, bali kwa ajili yetu! Ikiwa ni kweli, kwa nini Mkristo ataabike vilivyo katika maombi ili tu kumfanya Mungu ampe kitu ambacho ni chake ndani ya Kristo? Fikiria juu kuhusu hilo!

Cha kusikitisha, nimewasikia wale wanaolalamika, "Nimeomba kwa miaka mitano, kwa kufunga sana, na hata kupanda mbegu, ili tu kuponywa ugonjwa huu!" Maisha, kwao, yamekuwa vita vya kiroho, au ni kana kwamba, pambano lisilo na mwisho katika sala, ili tu kuishi kwa afya, kulipa kodi ndogo ya nyumba, kufaulu mitihani yao, au hata kuwa na kazi nzuri.

Tatizo kwa kawaida hutokana na kutojua kwao kile ambacho ni haki yao katika Kristo. Mtunga-zaburi alisema, "*Hawajui wala hawafahamu, hutembea gizani; Misingi yote ya nchi imetikisika. Mimi nimesema, Ndinyi miungu, Na wana wa Aliye juu, nyote pia. Lakini mtakufa kama wanadamu, Mtaanguka kama mmoja wa wakuu*" (Zaburi 82:5-7). Kwa nini wafe kama wanadamu? Kwa nini wangeanguka kama mmoja wa wakuu? Ni kwa sababu "hawajui"; yaani ujinga wao!

Kwanza, wewe ni wa Ufalme mkuu na unaoshinda.

Kwa hiyo, weka mabega sawa sawa, kifua mbele, na jinyooshe kwa sababu Yesu tayari amelipia gharama kamili ili utembee katika ushindi na kufurahia baraka zote. Ungezungumzaje, ungetembeaje, au ungetendaje, endapo ungelijua kwamba wewe ni mkuu kwa magonjwa, maradhi, na udhaifu? Itakomesha mataabiko hayo ya kiafya yasiyo ya lazima!

Ikiwa umegundua kuwa wewe ni uzao wa Ibrahimu, mrithi wa baraka zisizohesabika, na umepewa maisha ambayo hayana umaskini au kushindwa; maisha ambayo hayawezi kushindwa au kuharibiwa, je, hayo hayangebadilisha mara moja yaliyomo yaani maudhui katika maombi yako?

Lijue Neno mwenywewe; pata kufahamu kweli hii. Kumbuka, maisha ya baraka ni urithi wako katika Kristo Yesu. Mungu tayari amekubariki kupita kiasi (Waefeso 1:3). Haleluya!

## SALA

**Ninatembea katika kweli za Neno la Mungu, nikifahamiana na urithi wangu katika Kristo na kufurahia baraka hizi nyingi, zenye pande lukuki. Ninaishi katika utimilifu na uhalisi wa baraka za Mungu; Nimeletwa katika pumzikko la Mungu. Mambo yote ni yangu. Ninajinufaisha vilivyo katika yote niliyopewa katika Kristo, na kwa imani yangu, ninashinda kwa utukufu kila mahali. Amina.**

### **MAFUNZO ZAIDI:**

---

1 Wakorintho 3:21-22 AMPC; Waebrania 4:3 AMPC

---

#### **MPANGO WA KUSOMA BIBLIA KWA MWAKA 1:**

Luka 24:36-53 & 2 Samweli 12-14

---

#### **MPANGO WA KUSOMA BIBLIA KWA MIAKA 2:**

Marko 7:1-13 & Hesabu 5



JUMATANO 3

## MAMLAKA KUU



*Na ishara hizi zitafuatana na hao waaminio; kwa jina langu watatoa pepo; watasema kwa lugha mpya (Marko 16:17).*

**K**una mambo mawili ambayo ningependa uangalie katika mstari wetu mkuu. Kwanza ni ukweli kwamba Bwana Yesu alitupa mamlaka juu ya mashetani. Mamlaka ni nini? Mamlaka ni nguvu iliyokabidhiwa; ni haki ya kuamuru na kutiiwa, au uwezo wa kuamuru na kutekeleza utii; ni haki ya kuamrisha kitu, mtu, au chochote kile, na kutiiwa! Kwa mfano, tunapotumia Jina la Yesu kufanya mabadiliko au kutoa amri, hiyo ni mamlaka!

Pili, Yeye pia alitupa uwezo wa wakili, yaani, haki ya kisheria ya kutenda kwa niaba Yake au badala Yake kama wakala Wake; haki ya kisheria ya kutenda katika Jina Lake. Kwa hiyo, una nguvu kiasi gani, unaweza kutumia nguvu kiasi gani, na una mamlaka kiasi gani, baada ya kupewa nguvu ya uwakili? Inategemea ni nguvu kiasi gani iko nyuma ya yule anayekupa.

Haijalishi una mamlaka kiasi gani, ikiwa mtu aliye na mamlaka ya juu kuliko yule aliyekuidhinisha atakuja, unapaswa kutii.

Mathayo 28:18 inatuingiza sisi katika mamlaka Yake.

Inasema, "Yesu akaja kwao, akasema nao, akawaambia, Nimepewa mamlaka yote mbinguni na duniani. Basi, enendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu;" Tambua kwamba (Yesu) hakusema baadhi ya mamlaka, bali mamlaka YOTE; pia tambua hakusema amepewa mamlaka ya kufanya katika Israeli au sehemu fulani za ulimwengu," la! Alisema mbinguni na duniani.

Bwana Yesu ana mamlaka kuu na isiyo na mpinzani. Haleluya! Unapotoa amri kwa Shetani, mapepo yake, na mambo ya ulimwengu huu katika Jina Lake, yatakusikia na kukutii, kwa sababu unafanya kazi katika mamlaka na utawala wa Kristo.

## SALA

**Baba Mpendwa, ahsante kwa kunipa uwezo wa kutekeleza na kuamuru utii, na nguvu ya uwakili kutumia Jina la Yesu kuleta mabadiliko, na kudhibiti hali. Jina hilo lina nguvu zote mbinguni na duniani, na kwa hiyo, ninatangaza, katika Jina la Yesu, kwamba Injili inapenya bila kizuizi katika mataifa ya ulimwenguni. Amina.**

### **MAFUNZO ZAIDI:**

Marko 16:17-18; Matendo 3:16; Yohana 16:24

#### **MPANGO WA KUSOMA BIBLIA KWA MWAKA 1:**

Yohana 1:1-18 & 2 Samweli 15-17

#### **MPANGO WA KUSOMA BIBLIA KWA MIAKA 2:**

Marko 7:14-23 & Hesabu 6



ALHAMISI 4

## KUNA KUSUDI LA KIMUNGU KWA MAISHA YAKO



*Mwambieni Arkipo, Iangalie sana huduma ile uliyopewa katika Bwana, ili uitimize (Wakolosai 4:17).*

**M**iaka kadhaa iliyopita, Bwana aliniambia mkwamba jambo muhimu kuliko yote kwa wanadamu ni kugundua kusudi lao na kulitimiza, lakini wengi hawalifanyi kamwe. Kwa hiyo, wanaishi maisha matupu, bila kutambua kwamba kulikuwa na mpango wa kimungu kwa ajili yao.

Waefeso 2:10: "AMPC" inasema, "*Kwa maana tu kazi ya mikono ya Mungu [kazi mikono Yake hasa], tumeumba katika Kristo Yesu, [tumezaliwa upya] ili kwamba tuzitende kazi zile njema ambazo Mungu aliziandaa (Alizipanga tangu asili) kwa ajili yetu [kutembea katika njia hizo ambazo Aliziandaa kabla ya wakati], ili kwamba tuenende ndani yake [kuishi maisha yale mazuri ambayo Yeye aliyandaa na kuyafanya yawe tayari ili sisi tuyaishi].*"

Jinsi ilivyo muhimu sana kwako kugundua kusudi lako! Ni furaha na amani ilioye itafurika moyo wako utakapojikuta katika njia ulizozaliwa ili uteembee ndani yake! Mungu hafanyi mambo tu; Ana makusudi kwa kila jambo. Ana kusudi kwa ulimwengu, na hakika ana kusudi la maisha yako. Ni muhimu kujua kusudi la Mungu kwako.

Kusudi la jumla kwa watoto wote wa Mungu ni

kwamba tulizaliwa kwa ajili ya utukufu Wake; tulizaliwa ili kutembea na Mungu na kumletea heshima. Acha hilo kusudi la msingi lithibitishwe moyoni mwako kuanzia leo, na kiri, "Bwana, nakushukuru, kwa sababu nilizaliwa kwa ajili ya utukufu wako."

Zaidi ya hayo, hata hivyo, kuna kusudi mahususi ambalo kwalo uliumbwaa na kuwekwa hapa duniani. Na ni katika kutimiza kusudi hilo ndipo kwa hakika unamletea Mungu utukufu na heshima.

Ikiwa haujagundua kusudi hilo maalum, unaweza, kuanzia leo. Uwe na ujasiri wa kumuuliza Bwana naye atakuambia. Wakati fulani, atazungumza waziwazi, kama alivyofanya kwa Paulo Mtume (soma: Matendo ya Mitume 26:13-16). Nyakati nyagine, atakuongoza katika hilo, na kila siku, utagundua zaidi na zaidi kusudi Lake kwa maisha yako, unapotembea kwa imani kulingana na Neno Lake katika mambo yote.

## SALA

---

**Ahsante, Baba, kwa kunifunulia kusudi maalum ambalo kwalo naliumbwaa na kuwekwa hapa duniani. Mimi ni shahidi wa Injili ya Yesu Kristo, iliyotumwa kutoka kwa Ufalme Wako wa mbinguni kwa ajili ya wokovu wa roho duniani. Shauku yangu ya kila siku ni kusimamisha Ufalme wa Mungu duniani na katika mioyo ya wanadamu na hivyo kukuletea utukufu na heshima, katika Jina la Yesu. Amina.**

---

### **MAFUNZO ZAIDI:**

---

Waefeso 1:4-5; 2 Wakorintho 5:18-20;  
Wakolosai 3:1-2

---

#### **MPANGO WA KUSOMA BIBLIA KWA MWAKA 1:**

Yohana 1:19-51 & 2 Samweli 18-19

---

#### **MPANGO WA KUSOMA BIBLIA KWA MIAKA 2:**

Marko 7:24-37 & Hesabu 7



## URITHI WA USHINDI



*Ila Mungu ashukuriwe, anayetushangiliza daima katika Kristo, na kuidhihirisha harufu ya kumjua yeye kila mahali kwa kazi yetu (2 Wakorintho 2:14).*

**K**atika Kristo, hatuombi kuwa washindi; ni urithi wetu; ni maisha yetu! Tulizaliwa kuwa washindi siku zote na kila mahali. Hivyo ndivyo Neno linasema na halibadiliki. Acha roho yako itamie kweli hii, na uishi ipasavyo.

Hii haimaanishi hutakutana na changamoto; lakini hakika inamaanisha kuwa utashinda kila wakati, bila kujali changamoto. Hivyo, haileti utofauti wowote nini kinatokea, wapi unajikuta au ni nani anayepingana nawe: wewe ni zaidi ya mshindi. Huwezi kamwe kuwa mhanga.

Mungu amekupa kila kitu kinachohitajika ili kuishi kwa ushindi kila siku. Alikupa Roho Mtakatifu, akakupa Neno Lake, na akakupa Jina la Yesu. Kisha, Yeye pia alikupa uwezo wa kuzungumza, kutumia maneno.

Kwa maneno yako, unaweza kupanga njia yako katika ushindi na mafanikio. Unaweza kufanya maisha yako kuwa ya ushindi wa kudumu. Chochote utakachosema hakika kitatimia. Kwa hiyo, unapokabiliaana na ugumu,

tamka Neno la Mungu.

Kila mara, thibitisha kwamba mambo mema yanakujuia na yanatokea kwako na kukuzunguka kwa sababu dunia imejaa wema wa Bwana. Tumia kinywa chako – maneno yako – kujiweka kwenye njia kuu ya ushindi, badilisha mazingira, na kubadilisha hali kuendana na mapenzi kamili ya Mungu kwako.

## SALA

**Baba Mpendwa, ninakushukuru kwa Neno Lako ambalo kwalo ninaishi kwa ushindi leo na siku zote. Haijalishi kinachotokea katika nyanja iliyo nizunguka, mimi hushinda kila wakati! Ninafurahia siku zangu katika mafanikio, maendeleo, amani, furaha, afya, na ustawi usio na mwisho. Kwa maneno yangu yaliyojaa imani, ninabadilisha hali na kubadilisha mazingira ili kuendana na mapenzi Yako kamili kwangu, katika Jina la Yesu. Amina.**

### **MAFUNZO ZAIDI:**

1 Yohana 4:4; 1 Wakorintho 15:57

#### **MPANGO WA KUSOMA BIBLIA KWA MWAKA 1:**

Yohana 2:1-25 & 2 Samweli 20-21

#### **MPANGO WA KUSOMA BIBLIA KWA MIAKA 2:**

Marko 8:1-9 & Hesabu 8



JUMAMOSI 6

## UKO KWENYE JUKUMU LA KIPEKEE



*Lakini inuka, usimame kwa miguu yako, maana nimekutokea kwa sababu hii, nikuweke wewe uwe mtumishi na shahidi... (Matendo ya Mitume 26:16).*

Kuna mabilioni ya watu duniani leo na hakuna alama za vidole mbili zinazofanana duniani kote. Sisi sote tumepewaa vipawa vya kipekee, tumebarikiwa na tumeitwa na Mungu. Kwa hiyo, acha furaha yako iwe katika kutimiza wito ambao Mungu amekupa. Uko kwenye jukumu la kipekee; kaa katika neema uliyopewaa na Mungu, kwa maana hakuna mtu awezaye kuifanya vile vile kama wewe.

Fikiria kuhusu Paulo: Alikuwa mtume kwa Mataifa; hilo halikuwa jambo la mtindo katika siku zake, lakini alisherehekeea jukumu lake la kipekee. Alisema katika Warumi 11:13, “*Mimi ni mtume kwa Mataifa; Ninaitukuza ofisi yangu.*” Hakutaka kutumwa kwa Wayahudi; Petro alipewaa na jukumu hilo.

Ni kama Yoshua pia; ingawa alitembea kwa ukaribu na Musa kabla ya Musa kufa, alielewa upekee wa kile ambacho Mungu alitaka afanye. Katika Yoshua sura ya 1, Mungu alimwambia: “*vuka mto huu wa Yordani; wewe na watu hawa wote, mkaende hata nchi niwapayo wana wa Israeli... maana ni wewe utakayewarithisha watu hawa*

*nchi hii niliyowaapia baba zao ya kwamba nitawapa"*  
(Yoshua 1:2-6).

Yoshua alipopata maagizo hayo, alielewa kwamba jukumu lake lilikuwa la kipekee tofauti na lile la Musa. Hapo awali Mungu alikuwa amemwambia Musa, "*Nataka uwatoe watu wangu Misri*" (Kutoka 3:7-10). Musa aliwatoa utumwani Misri hakika, lakini Yoshua ndiye aliywapeleka katika nchi ya ahadi na kuigawanya iwe urithi wao (Yoshua 1:2 & 6).

Je, umeanzisha jukumu lako la kipekee katika nchi hiyo, jiji, mji, kijiji, kitongoji, shule, au ofisi hiyo? Usifikiri uko pale kama kila mtu mwingine, kufanya mambo yale yale wanayofanya wote. Elewa kuwa uko kwenye jukumu la kipekee na utimize kusudi lako kwa utulivu!

## SALA

**Baba Mpendwa, nimejawa na shukrani na kufurahishwa sana na upekee wa jukumu langu katika dunia.** Ninatimiza kusudi langu katika Kristo, na kutembea katika njia zilizowekwa awali ambazo ulipanga kabla ya kuwekwa kwa misingi ya ulimwengu, ili nipate kukutumikia na kuishi kwa ajili Yako. Kupitia mimi, Ufalme Wako unatawala na kupanuka katika dunia, na katika mioyo ya wanadamu, katika Jina la Yesu.

### **MAFUNZO ZAIDI:**

Matendo 26:16; Wakolosai 4:17; Waefeso 2:10 AMPC

#### **MPANGO WA KUSOMA BIBLIA KWA MWAKA 1:**

Yohana 3:1-21 & 2 Samweli 22

#### **MPANGO WA KUSOMA BIBLIA KWA MIAKA 2:**

Marko 8:10-21 & Hesabu 9



## UZIMA WA MILELE



*Kwa maana jinsi hii Mungu aliupenda ulimwengu, hata akamtoa Mwanawewe pekee, ili kila mtu amwaminiye asipotee, bali awe na uzima wa milele (Yohana 3:16).*

Mstari wetu wa ufunguzi unahusu mstari maarufu zaidi wa Biblia. Una neno lenye nguvu zaidi na lenye kuelimisha kuliko Maandiko yote. Inasema ye yeyote anayemwamini Mwana wa Mungu ana uzima wa milele, ikimaanisha kuwa ametengwa dhidi ya uharibifu, upotevu, kushindwa, madhara, nk.

Uzima wa milele ni nini? Je, ni uzima unaoendelea na kuendelea tu pasipo mwisho? Hapana; maana hiyo haielezi hata chembe ya maana yake kamili ni nini. Ili kuelewa uzima wa milele, kwanza unapaswa kujua uzima wa Mungu ni nini. Hii inaweza kuja kama mshangao kwa baadhi ya watu ambao walidhani kuwa ni maneno sawasawa. Hapana hayako sawa; yana utofauti.

Kuwa na uzima wa Mungu ni kutokuwa na ukomo wa umri; hakuna ukomo wa umri kuelekea mwanzoni na hakuna ukomo wa umri kuelekea mwishoni. Ni maisha ambayo hayana mwanzo na hayana mwisho; hayana wakati. Umilele, kwa hivyo basi, maana yake ni kutokuwa na wakati na kutokuwa na umri [wala kuzeeka]. Kwa maana kamili zaidi, ni Maisha [na uzima] usio na kubatilika, usio na kuharibika, usioweza kuteketeta [wala kuangamia], hauna hitimisho, ni uhai [na uzima] usiwezwa na kushindwa wala mauti. Huu ndio uzima na asili ya Mungu.

Ndiyo maana anaitwa Mungu wa milele. Biblia inasema katika Zaburi 90:2 "Kjv", "*Kabla hujauumba vilima, wala kabla hujaiumba dunia, ulikuwa Mungu wa milele, naue utakuwa Mungu milele*" (GNB). Uzima wa milele ni uzima wa Mungu wenye mwanzo; una mwanzo lakini hauna mwisho.

Malaika, kwa mfano, wana uzima wa milele wenye mwanzo. Ingawa wanaishi milele, walikuwa na mwanzo. Mungu, hata hivyo, hana mwanzo; Yeye ni wa umilele kabisa. Malaika hao wakawa wa milele kwa sababu Mungu, Yule wa umilele, Aliwafanya wadumu milele. Ili kuwafanya kuwa wa milele, ilimbidi kuwapa uzima wake (uzima wa Mungu).

Unapozaliwa mara ya pili, unapokea uzima wa Mungu, na unakuwa wa milele. Umeletwa kutoka kwa ubinadamu wako hadi umilele. Kupokea uzima huo ni kuingia kwako kwa mara ya kwanza ndani yake; huo ndio mwanzo wa uzima wako katika umilele. Kuanzia hapo na kuendelea, unaondoka na kuwa sehemu ya uzima usio na mwisho, usio na kubatilika, usio na kuharibika, usioweza kuteketetea [wala kuangamia].

## SALA

Nimepokea uzima wa Mungu, na sifiki na mauti kabisa, sina kubatilika, sina kuharibika, sina kuangamia, sina uwezo [wala asili] ya kushindwa chochote, si mhanga wa mambo mabaya na magonjwa kwa sababu sheria ya uzima inatenda kazi ndani yangu! Uungu unakaa ndani yangu, huku nikiihi maisha ya juu ya kiushindi! Utukufu kwa Mungu!

### MAFUNZO ZAIDI:

1 Yohana 5:11-13; Yohana 3:36; Yohana 5:24

#### MPANGO WA KUSOMA BIBLIA KWA MWAKA 1:

Yohana 3:22-36 & 2 Samweli 23-24

#### MPANGO WA KUSOMA BIBLIA KWA MIAKA 2:


Marko 8:22-33 & Hesabu 10

# Nukta

ukta  
N

Nukta

l k t a  
n u z



JUMATATU 8

## KRISTO NDANI YAKO – AJABU YA UKRISTO



*Ambao Mungu alipenda kuwajulisha jinsi ulivyo utajiri wa utukufu wa siri hii katika Mataifa, nao ni Kristo ndani yenu, tumaini la utukufu (Wakolosai 1:27).*

**K**uwa na maarifa muhimu na kuishi kwa ufahamu kwamba Kristo anaishi ndani yako ni mojawapo ya baraka kuu za Ukristo. Ndiyo, hakika, ni suluhisho lako kwa shida zote na jibu kwa maswali yote. Kristo ndani yako ni ajabu ya Ukristo.

Pindi Yesu alipotembea duniani, Alikuwa pamoja na wanafunzi kama Emanueli, Mungu pamoja nasi. Lakini ndoto ya Baba ilikuwa bado haijatimizwa. Alitaka Uungu wote ndani yetu, si tu pamoja nasi. Alitaka Roho Wake ndani yetu.

Ndiyo sababu Yesu alisema, “*Nami nitamwomba Baba, naye atawapa Msaidizi mwingine, ili akae nanyi hata milele; ndiye Roho wa kweli; ambaye ulimwengu hauwezi kumpokea, kwa kuwa haumwoni wala haumtambui; bali ninyi mnamtambua, maana anakaa kwenu, naye atakuwa ndani yenu*” (Yohana 14:16-17). Shauku ya Baba iliamlishe siku ya Pentekoste wakati Roho Mtakatifu alipokuja kuishi ndani yetu.

Fikiria kweli ya kustaajabisha katika Warumi 8:11: “*Lakini, ikiwa Roho yake ye ye ali yemfufua Yesu katika*

*wafu anakaa ndani yenu, yeye aliyemfufua Kristo Yesu katika wafu ataihuisha na miili yenu iliyo katika hali ya kufa, kwa Roho wake anayekaa ndani yenu.”*

Hii ina maana Kristo ndani yako – ni Roho Mtakatifu ndani yako – ni uzima wa mwili wako wa nyama; ni afya yako, ukombozi wako, utimilifu, na uhifadhi. Kristo ndani yako ni haki yako ya kutoka katika maumivu yoyote. Kristo ndani yako ndiye nguvu yako juu ya kila shida; ni utawala wako juu ya giza, umaskini, uhaba na uhitaji. Haleluya! Kristo ndani yako, ndiye baraka kuu kuliko zote. Mungu atukuzwe!

## UKIRI

**Utukufu, utimilifu, ukamilifu, mafanikio na ustawi vimehakikishwa katika maisha yangu kwa sababu Kristo yu ndani yangu! Yuko katika kila nyuzi za uhai wangu, katika kila mfupa wa mwili wangu, na katika kila seli ya damu yangu! Nimepewa neema na uwezo katika Kristo kumiliki na kutawala hali zote. Nimekingwa na uovu na madhara yote kwa sababu niko ndani ya Kristo na Kristo yu ndani yangu! Haleluya!**

### **MAFUNZO ZAIDI:**

1 Yohana 4:4; Warumi 8:10 ESV; 1 Wakorintho 6:19

#### **MPANGO WA KUSOMA BIBLIA KWA MWAKA 1:**

Yohana 4:1-26 & 1 Wafalme 1

#### **MPANGO WA KUSOMA BIBLIA KWA MIAKA 2:**

Marko 8:34-9:1 & Hesabu 11



JUMANNE 9

## HATMA NA CHAGUO BINAFSI



*Kwa maana tu kazi ya mikono ya Mungu [kazi mikono Yake hasa], tumeumba katika Kristo Yesu, [tumezaliwa upya] ili kwamba tuzitende kazi zile njema ambazo Mungu aliziandaa (Alizipanga tangu asili) kwa ajili yetu [kutembea katika njia hizo ambazo Aliziandaa kabla ya wakati], ili kwamba tuenende ndani yake [kuishi maisha yale mazuri ambayo Yeye aliyandaa na kuyafanya yawe tayari ili sisi tuyashi] (Waefeso 2:10 AMPC).*

**W**akati mwingine watu huuliza ikiwa kuna kitu kama kuandaliwa kabla ya wakati. "Je, ninaweza kusema kweli kwamba Mungu alipanga maisha yangu kabla ya wakati?" wanashangaa. Hakika! Biblia inasema alifanya hivyo; tumetoka kuisoma punde tu!

Pia, Warumi 8:29-30 inasema, "*Maana wale aliowajua tangu asili, aliwachagua tangu asili wafananishwe na mfano wa Mwana wake, ili yeye awe mzaliwa wa kwanza mionganoni mwa ndugu wengi. Na wale aliowachagua tangu asili, hao akawaita; na wale aliowaita, hao akawahesabia haki; na wale aliowahesabia haki, hao akawatukuza.*"

Kisha swalii linazuka: Je, Mungu, kwa hiyo, anawajibika kwa kila kitu kinachotokea katika maisha yangu? Si kweli; kwa sababu wewe ni wakala huru wa maamuzi; unawajibika kwa maamuzi na matendo yako. Mara tu unapokuwa mtu mzima, una jukumu la maisha yako, na jukumu liko kwako kufanya maamuzi sahihi kulingana

na hatima ya Mungu na mapenzi kamili kwako.

Kwa sababu Mungu alipanga maisha yako kimbele kwa ajili ya jambo fulani haimaanishi kuwa utakuwa au utalitimiza. Si lazima watu wawe vile Mungu alivyopanga wawe. Ni chaguo la binafsi unalofanya ili kutimiza mpango wa Mungu kwa ajili ya maisha yako na kuwa kile ambacho amekukusudia kuwa.

Paulo, katika barua yake kwa kanisa la Kolosai, alituma maagizo mahususi kwa Arkipo, akimwambia: "*Iangalie sana huduma ile uliyopewa katika Bwana, ili uitimize*" (Wakolosai 4:17). Ikiwa mtu huyo hangekuwa na jukumu la kutimiza huduma ambayo Mungu alimkabidhi, Paulo hangemwagiza kuhakikisha kwamba anaitimiza. Hii pia ilimaanisha kuwa inawezekana kwake kutoitimiza.

Amua kuwa utakuwa kila kitu ambacho Mungu amekukusudia uwe, utafanya yote ambayo Amekukusudia ufanye, na utatembea katika njia Zake alizoziaandaa kabla ya wakati (kimbele).

## UKIRI

Ninatembea katika njia zilizopangwa kimbele, nikiwa nimesimama ipasavyo katika nafasi ya Mungu ya fursa na kukaa kwenye njia ya mafanikio, utukufu, ushindi na hatima ya kimungu! Mwenendo wa matukio katika maisha yangu umeundwa na Mungu ili kumletea utukufu, kwa kuwa Yeye Ndiye atendaye kazi ndani yangu kutaka kwangu na kutenda kwangu katika kuyatimiza mapenzi Yake mema. Haleluya!

### MAFUNZO ZAIDI:

Warumi 8:29-30 TPT; Kumbukumbu la Torati 30:19;

Waefeso 1:11

#### MPANGO WA KUSOMA BIBLIA KWA MWAKA 1:

Yohana 4:27-54 & 1 Wafalme 2-3

#### MPANGO WA KUSOMA BIBLIA KWA MIAKA 2:

Marko 9:2-13 & Hesabu 12



JUMATANO 10

## ACHA UVUMILIVU UWE NA ATHARI YAKE KAMILI



*...pindi inapoonekana kana kwamba kila upande unakabiliwa na changamoto, ione kama fursa muhimu sana ya kupata furaha kubwa zaidi kupita maelezo! Kwa maana unajua kwamba imani yako ikijaribiwa huchochea ndani yako nguvu ya saburi. Na ndipo saburi yako inapozidi kuwa na nguvu zaidi, itaachilia ukamilifu katika kila sehemu ya utu wako hata kusiwe na kitu chochote kilichopunguka wala kukosekana (Yakobo 1:2-4 TPT).*

**M**ajaribu na changamoto, kwa jinsi yalivyo magumu, ni kwa manufaa yako. Hakika utavuna furaha kutokana na hayo. Imani yako huchanua chini ya shinikizo na kukufundisha subira ya kweli unapovumilia.

Wakati fulani tunataka Mungu alete mabadiliko mara moja. Tunaomba kuhusu hali au jambo tunalotaka kuzuia lisitokee, na tunataka majibu ya papo hapo. Lakini kuna nyakati ambapo subira inahitajika huku ukidhihirisha imani yako. Mungu hataki tuwe na hofu nyakati kama hiso.

Wakati mwingine, wakati mambo hayafanyiki haraka tunavyotaka, ni kwa sababu Anataka kukuza subira ndani yetu. Uvumilivu ni baraka ya ajabu. Kwa hiyo jifunze kuonyesha subira hata unapodhihirisha imani yako. Yakobo 1:4 katika Tafsiri ya "Voice" inasema, "... subira ya kweli inayoletwa na uvumilivu itakutayarisha

*kukamilisha safari ndefu na kuvuka mstari wa mwisho – kukomaa.”*

Ndiyo, kutakuwa na nyakati za changamoto na hali zisizofaa, lakini Neno latutia moyo kuzihesabu zote kuwa ni furaha, tukijua kwamba kujaribiwa kwa imani yetu huzalisha saburi ndani yetu. Kisha aya ya 4 inatuambia kile ambacho subira, kwa upande wake, inazalisha ndani yetu pindi tunapoiruhusu ifanye kazi yake, na kuwa na matokeo yake kamili. Kwa hiyo usiendelee kushinikiza na kuwa na mchecheto; unaweza kuukosa mpango wa Mungu.

Hebu tusome mstari wetu wa ufunguzi kwa mara nyingine tena, wakati huu, kutoka katika tafsiri ya “Amplified Classic.” Inasema, “Lakini ustahimilivu na uthabiti na saburi viwe na nafasi kamili na fanyeni kazi kamili, ili mpate kuwa [watu] wakamilifu na mlio komaa kikamilifu [bila dosari] wala kupungukiwa na kitu.” Hivi ndivyo subira hutokeza ndani yetu: “tunakuwa wakamilifu na wakomavu [pasipo dosari], wala kupungukiwa na kitu.” Utukufu kwa Mungu!

## SALA

**Baba Mpendwa, ninakushukuru kwa kuwa imani yangu inashinda hali, na ninaishi kwa kiushindi na kwa ushindi juu ya magonjwa, maradhi, hofu na woga. Nimeshika hatamu na kudhibiti maisha yangu na hali. Nina nguvu, jasiri na shupavu, nikitenda kazi kutoka katika nafasi ya juu ya pumziko, katika Jina la Yesu. Amina.**

### **MAFUNZO ZAIDI:**

Wafilipi 4:6-7; Mithali 24:10; Waembrania 12:1

#### **MPANGO WA KUSOMA BIBLIA KWA MWAKA 1:**

Yohana 5:1-30 & 1 Wafalme 4-6

#### **MPANGO WA KUSOMA BIBLIA KWA MIAKA 2:**

Marko 9:14-29 & Hesabu 13



ALHAMISI 11

## ULIYETUMWA KUSIMULIA HADITHI YAKE



*Yesu akamwambia, Mimi nimekuwapo pamoja nanyi siku hizi zote, wewe usinijue, Filipo? Aliyeniona mimi amemwona Baba; basi wewe wasemaje, Utuonyeshe Baba?*  
*(Yohana 14:9).*

**U**limwenguni kote, watu wanaomba katika Jina la Yesu. Wanamhubiri mitaani na kila juma makanisani. Wengine wameandika vitabu kumhusu, kuimba kumhusu, na kutabiri katika Jina Lake. Lakini ukweli unaoumiza sana ni kwamba wengi hawajui Yeye ni nani hasa.

Ni kweli, wamesikia kumhusu, lakini Yeye si tu "kiongozi mkuu wa kidini" ambaye wengi wanamfahamu kama; Yeye ni Mungu. Cha kusikitisha ni kwamba hata mionganoni mwa wahubiri, wengine wanamjua tu kama Mwokozi, ambaye Alituokoa kutoka kwenye dhambi zetu. Lakini Yesu ni zaidi ya hayo. Yeye ni Mungu Mwenyewe: Mungu Mwenye nguvu zote, Asiyefikwa na mauti, Anayeishi katika nuru isiyoweza kufikiwa ya utukufu wa kimungu, sawa na Baba na chapa halisi ya Mungu Baba.

Yesu ni Mfalme wa wafalme na Bwana wa wote, Mwenye mamlaka yote mbinguni, duniani, na chini ya nchi. Sisi ni mashahidi Wake, na inatupasa kuujulisha ulimwengu kwamba Yeye ni halisi na kwamba Alikuja kufa

kama mwanadamu kwa ajili ya watu wote; Alifufuliwa kutoka kwa wafu na Anaishi milele. Acha tujishughulishe vilivyo, tukiuambia ulimwengu wote juu Yake.

Kazi tunayofanya hapa duniani sio mwisho yenewe. Siku moja, tutamwambia mtu wa mwisho; tutafanya kongamano la mwisho au ibada ya mwisho ya kanisa; tutakuwa tumekamilisha kila kitu Alichotuagiza tufanye, na ndipo tutasikia sauti hiyo ya parapanda. Bwana atatokea na tutapokea taji za utukufu: "*Na Mchungaji mkuu atakapodhahirishwa, mtaipokea taji ya utukufu, ile isiyokauka.*" (1 Petro 5:4). Utukufu kwa Jina Lake milele!

## SALA

**Bwana Yesu mbarikiwa, jinsi ulivyo mkuu! Wewe ni Mungu asiyefikwa mauti, Mfalme wa wafalme na Bwana wa wote, Mwenye mamlaka yote mbinguni, duniani na chini ya dunia. Wewe ndiwe Bwana na Mtawala; Yule mwenye mamlaka kuu na ukuu. Ninaamini kwa moyo wangu wote na natangaza kwa kinywa changu kuwa wewe ndiwe Bwana wangu; Wewe ni Mungu juu ya kila kitu, na uliyeumba kila kitu! Nakupenda Bwana!**

### **MAFUNZO ZAIDI:**

Yohana 17:3; 2 Wakorintho 4:5-6; 2 Wakorintho 5:18-20

#### **MPANGO WA KUSOMA BIBLIA KWA MWAKA 1:**

Yohana 5:31-47 & 1 Wafalme 7-8

#### **MPANGO WA KUSOMA BIBLIA KWA MIAKA 2:**

Marko 9:30-37 & Hesabu 14



IJUMAA 12

## MAARIFA NI MUHIMU



*Lakini, kama ilivyoandikwa, Mambo ambayo jicho halikuyaona wala sikio halikuyasikia, (Wala hayakuungia katika moyo wa mwanadamu,) Mambo ambayo Mungu aliwaandalia wampendao (1 Wakorintho 2:9).*

**K**una mengi sana ambayo Bwana anataka kufanya kupitia kwa watoto Wake duniani katika siku hizi za mwisho, lakini kizuizi kwa wengi imekuwa ni maarifa. Unatumainiaje kitu ambacho hata hujui kipo? Huwezi kutarajia kitu ambacho mawazo yako hayawezi kufahamu.

Lakini ashukuriwe Mungu! Biblia inasema katika siku za mwisho, maarifa yataongezeka. Kupitia maarifa haya, tunafanya yasiyowezekana, yasiyofikirika, na yasiyoelezeka. Roho Mtakatifu analisaidia na kulitayarisha Kanisa kwa yale anayotaka kufanya kwa kutupatia maarifa ya kweli, sahihi na mahsusii ya Neno Lake.

Kupitia Yeye, tunajua mambo ambayo tumepewaa bure na Mungu: "*Lakini sisi hatukuipokea roho ya dunia, bali Roho atokaye kwa Mungu, makusudi tupate kuyajua tuliyokirimiwa na Mungu*" (1 Wakorintho 2:12). Maisha yana ukomo kwa maarifa au ufahamu wako. Kuna mengi sana ambayo hutokea kwako unapopata maarifa sahihi, maarifa ya Neno la Mungu. Uwezo wako unaongezeka kwa kiasi kikubwa; unakuwa na ufahamu

na kuweza kufahamu baraka nzuri ajabu ambazo Mungu amekuandalia ili ufurahie.

Matendo ya Mitume 20:32 inasema, “*Basi, sasa nawaweka katika mikono ya Mungu, na kwa neno la neema yake, ambalo laweza kuwajenga na kuwapa urithi pamoja nao wote waliotakaswa.*” Tayari una urithi uliopewa katika Kristo, lakini kupitia maarifa ya Mungu, unaweza kushikilia kile ambacho ni chako kwa haki. Ninakushauri hivi leo, “*Neno la Kristo na likae kwa wingi ndani yenu katika hekima yote, mkifundishana na kuonyana kwa zaburi, na nyimbo, na tenzi za rohoni; huku mkimwimbia Mungu kwa neema mioyoni mwenu.*” (Wakolosai 3:16). Haleluya!

## SALA

Baba Mpandwa, nimejawa maarifa yanayohitajika kwa ajili ya maisha katika Kristo, kupitia Neno. Macho ya ufahamu wangu yanatiwa nuru. Kwa hiyo, nina ufahamu katika mafumbo na siri; hakuna kitu ambacho siwezi kujua. Kristo ndiye hekima yangu, na Neno la Mungu lanihabarisha kila siku, kwa njia ya Roho Mtakatifu, katika Jina la Yesu. Amina.

### **MAFUNZO ZAIDI:**

---

1 Wakorintho 2:9-10; Waefeso 1:18 NKJV;  
Mithali 11:9

---

#### **MPANGO WA KUSOMA BIBLIA KWA MWAKA 1:**

Yohana 6:1-24 & 1 Wafalme 9

---

#### **MPANGO WA KUSOMA BIBLIA KWA MIAKA 2:**

Marko 9:38-50 & Hesabu 15



JUMAMOSI 13

## USITAWALIWE KAMWE NA HOFU



*Katika pendo hamna hofu; lakini pendo lililo kamili huitupa nje hofu, kwa maana hofu ina adhabu; na mwenye hofu hakukamilishwa katika pendo  
(1 Yohana 4:18).*

**K**una nguvu fulani mbaya zinazoathiri matendo, Kuchaguzi na maamuzi ya watu; mojawapo ni hofu. Hofu ni roho zinazotesa. Kuna aina tofauti za hofu: hofu ya kushindwa, hofu ya siku zijazo, hofu ya mtu, hofu ya kifo, hofu ya giza, na kadhalika.

Mara nyangi, wale ambao wanaotawaliwa na hofu hawawezi hata kufafanua kile wanachoogopa. Walakini, bado wanaishi kwa hofu. Lakini hatupaswi kamwe kutawaliwa na hofu, kwa sababu tumezaliwa na Mungu na tunaishi kwa imani. Katika maisha yako, fanya uamuvi wa dhati kwamba kamwe hutatawaliwa na hofu.

Usiruhusu kamwe hofu ikushawishi kuchukua hatua au kukuzuia kuchukua hatua. Biblia inasema hofu ni mtego, lakini ukimtumaini Bwana, utakuwa salama (Mithali 29:25).

Kuna watu wamefungwa na hofu ya kutojiamini. Hata baadhi ya viongozi hupata hofu hizi katika nafasi zao za uongozi. Lakini Biblia inasema, "Maana Mungu hakutupa roho ya woga, bali ya nguvu na ya upendo na ya moyo wa kiasi" (2 Timotheo 1:7). Hiyo inamaanisha endapo umezaliwa mara ya pili na kujazwa Roho Mtakatifu, hofu haina nafasi katika maisha yako. Hupaswi kamwe kunaswa na hofu. Una Roho wa nguvu, wa upendo, na

wa akili timamu. Mungu atukuzwe!

Haileti utofauti wowote giza lililo katika ulimwengu na jinsi hali ya uchumi wa dunia inavyokuwa mbaya; kukataa kufadhaika. Mtumaini Bwana; Anatuongoza katika ushindi wa milele. 1 Yohana 4:4 inasema, “*Ninyi, watoto wadogo, mwatokana na Mungu nanyi mmewashinda, kwa sababu yeye aliye ndani yenu ni mkuu kuliko yeye aliye katika dunia.*”

Mungu alishatenga ushindi wako, kupandishwa cheo, na kufanikiwa katikati ya giza. Tayari alipanga kuwa utakuwa na mafanikio katika maisha haya, bila kujali kinachoendelea katika ulimwengu unaozunguka. Kwa hiyo, ishi kwa ujasiri kila siku, ukijua kwamba imani yako ndiyo ushindi unaoshinda ulimwengu. Kwa maana kila kitu kilichozaliwa na Mungu hushinda ulimwengu; na huku ndiko kushinda kuushindako ulimwengu, hiyo imani yetu (1 Yohana 5:4 AMPC).

## UKIRI

**Shetani na nguvu za giza ziko chini ya miguu yangu; hivyo, sina la kuogopa. Misukumo ya hofu imezimwa kabisa kutoka kwa maisha yangu. Bila kujali hali, mimi ni jasiri na shupavu, nikikiri Neno kwa imani. Imani yangu ni ushindi unaoshinda hofu, magonjwa, maradhi na udhaifu. Ninatembea katika utawala juu ya mambo ya ulimwengu huu, katika Jina la Yesu. Amina.**

### **MAFUNZO ZAIDI:**

Luka 12:32; 1 Yohana 5:4; Warumi 8:35-37

#### **MPANGO WA KUSOMA BIBLIA KWA MWAKA 1:**

Yohana 6:25-59 & 1 Wafalme 10-11

#### **MPANGO WA KUSOMA BIBLIA KWA MIAKA 2:**

Marko 10:1-12 & Hesabu 16

## USIWEKE KINYONGO



*Uchungu wote na ghadhabu na hasira  
na kelele na matukano yaondoke kwenu,  
pamoja na kila namna ya ubaya  
(Waefeso 4:31).*

**R**oho asema kupitia kwa Paulo katika 1 Wakorintho 14:20, “*Katika uovu, muwe kama watoto, lakini katika akili muwe watu wazima.*” Watoto hawashiki ubaya. Hawawekei kinyongo; wana akili safi na isiyo na hatia. Hivyo ndivyo Mungu anataka tuishi.

Mausia yale yale Aliyoyatoa katika mstari wetu mkuu yanarudiwa katika Wakolosai 3:8. Inasema, “*Lakini sasa yawekeni mbali haya yote; hasira, na ghadhabu, na uovu, na matukano, na matusi vinywani mwenu.*” Haya yote yameorodheshwa pamoja kwa sababu yote yanahusiana.

Kinyongo kitakuchochea kwa vitendo vibaya na mawasiliano machafu; kwa hiyo, kiepuke. Biashara nyingi sana leo zilianzishwa katika msingi wa chuki (kinyongo). Mtu alikasirishwa na jinsi mambo yalivyokuwa yakifanywa katika taasisi fulani na kisha akasonga mbele na kufungua yake mwenyewe. Hata makanisa mengine yameanzishwa hivyo pia.

Huwezi kupata kibali cha Mungu kwa biashara, kampuni au hatua ambayo ina hasira, kinyongo na uchungu kama nguvu ya usukumo ya kukiendesha.

Bwana Yesu alidokeza hili katika Mathayo 23:27

aliposema, “*Ole wenu, waandishi na Mafarisayo, wanafiki! Kwa kuwa mmefanana na makaburi yaliyopakwa chokaa, nayo kwa nje yaonekana kuwa mazuri, bali ndani yamejaa mifupa ya wafu, na uchafu wote.*”

Kuweka kinyongo, uchungu, hasira, chuki, au vivu hatimaye hutokeza athari mbaya ndani ya mtu, kwa sababu nguvu hizi mbaya huwaongoza watu kwenye matendo yasiyofaa. Kumbuka, tumeitwa kuenenda katika upendo.

Unapotembea katika upendo, wewe ni bwana; uko katika utawala. Biblia inasema upendo hautafuti mambo yake wenyewe, hauoni hasira upesi, uchungu au kinyongo. Hauzingatii ubaya unaofanywa kwake, wala haufurahi udhalimu na ubaya (1 Wakorintho 13:5 AMPC).

## UKIRI

**Ninakataa kuruhusu kinyongo, chuki, vivu, husuda, uchungu, hasira, ugomvi, kijicho, nia mbaya au ubaguzi wa aina yoyote kukita mizizi ndani yangu. Moyo wangu umejaa upendo, wema na huruma ya Mungu; na ninadhihirisha haya kwa ukarimu kila mahali na kwa kila mtu kwa furaha ya Baba. Amina.**

### MAFUNZO ZAIDI:

Mithali 14:30 NLT; 1 Wakorintho 13:3 CEV;  
Waebrania 12:15; Waefeso 4:31 AMPC

#### MPANGO WA KUSOMA BIBLIA KWA MWAKA 1:

Yohana 6:60-71 & 1 Wafalme 12-14

#### MPANGO WA KUSOMA BIBLIA KWA MIAKA 2:

Marko 10:13-22 & Hesabu 17

# Nukta

ta  
kt  
u  
z

Nukta

l k t a  
n u z



JUMATATU 15

## USIWE MFUNGWA WA ZAMANI YAKO



*Hata imekuwa, mtu akiwa ndani ya Kristo  
amekuwa kiumbe kipyta; ya kale yamepita  
tazama! Yamekuwa mapya  
(2 Wakorintho 5:17).*

Kuna wale ambao wanasumbuliwa na hatia na kumbukumbu za zamani. Wanapigana sana kushinda kumbukumbu zenyeye uchungu. Wako katika utumwa wa maisha yao ya zamani, labda kwa sababu ya mambo fulani mabaya waliyofanya au mtu fulani aliwaumiza, na wamekuwa wakiishi na maumivu tangu wakati huo. Kuna kitu hakiko sawa.

Unahitaji kuelewa inamaanisha nini kuzaliwa mara ya pili, kuwa kiumbe kipyta: wewe ni mtu mpya kabisa. Wewe si mtu yule yule ambaye alikuwa na matukio hayo ya mabaya. Mtu huyo alikufa katika Kristo. "Wewe" mpya umeondolewa hatia zote; huna makosa wala kasoro.

Warumi 5:18 inasema, "*Basi tena, kama kwa kosa moja watu wote walihukumiwa adhabu, kadhalika kwa tendo moja la haki watu wote walihesabiwa haki yenye uzima.*" Yesu hakutolewa kwa ajili ya dhambi zetu tu, bali pia Alifufuliwa kwa ajili ya kuhesabiwa kwetu haki (Warumi 4:25). Hii ina maana gani?

Inamaanisha kuwa ultangazwa, "huna hatia"; hakuna mashtaka dhidi yako. Sababu ni rahisi: wewe ni kiumbe kipyta; mtu mpya kabisa asiye na yaliyopita. Kwa hiyo, hata kama ulifanya jambo baya siku za nyuma ambalo bado linafanya unajisikia hatia, yote yanatokana

na kumbukumbu na hisia. Katika Ukristo, hatutembe i kwa hisia zetu, tunatembea kwa imani. Tunaishi kwa uthibitisho wa Neno la Mungu.

Usikumbuke tukio la baya ambalo unaweza kuwa nalo miaka mingi iliyopita na kuanza kulia kwamba Mungu akusamehe. Kataa kufungwa na hatia au kumbukumbu za zamani.

Warumi 4:25 AMPC inasema Yesu alifufuliwa kutoka kwa wafu kwa ajili ya "... *kuachiliwa kwetu, [kufanya usawaziko wetu na kutuondolea hatia yote mbele za Mungu].*" Unapokuja kwa Yesu, anakuweka huru kutoka kwa kila aina ya utumwa: "*Basi Mwana akiwaweka huru, mtakuwa huru kweli kweli*" (Yohana 8:36). Haleluya!

## SALA

Baba Mpendwa, nakushukuru kwa maisha yangu mapya katika Kristo; asili Yako ya kiungu ndani yangu imenifanya kuwa bwana juu ya hali, na kutawala juu ya mifumo ya ulimwengu huu. Ninakutumikia daima kwa furaha isiyotamkika na iliyojaa utukufu, isiyozuiliwa na dhambi au lawama! Ahsante kwa kunifanya kuwa mwenye haki, mtakatifu na asiye na lawama mbele Zako, katika Jina la Yesu. Amina.

### **MAFUNZO ZAIDI:**

Wagalatia 6:14-16; Yohana 1:12-13; Warumi 6:4

#### **MPANGO WA KUSOMA BIBLIA KWA MWAKA 1:**

Yohana 7:1-24 & 1 Wafalme 15-17

#### **MPANGO WA KUSOMA BIBLIA KWA MIAKA 2:**

Marko 10:23-31 & Hesabu 18



JUMANNE 16

## NGUVU YAKAA NASI



*Yesu akaja kwao, akasema nao,  
akawaambia, Nimepewa mamlaka yote  
mbinguni na duniani (Mathayo 28:18).*

**P**unde tu mara baada ya Bwana Yesu kutamka kauli hii ipitayo kawaida katika mstari wetu wa mada, Akatuagiza twende katika dunia ya kila mtu, kwa kutegemea kuwa Uweza WOTE (Nguvu zote) amepatiwa Yeye, na kuihubiri Injili kwa kila kiumbe.

Sisi ndio muendelezo wa Ufalme Wake, wa utawala Wake na uongozi Wake duniani. Ndio mojawapo ya sababu za kutuasa tuombe.

Alisema katika Luka 18:1, "*Imewapasa kumwomba Mungu siku zote wala wasikate tamaa.*" Anatutaka tusiwe wenye kukoma bali wenye kukazana katika sala [na maombi] na kusababisha mageuzi katika dunia yetu na katika Maisha ya watu kila mahali.

Alitukabidhi jukumu, na kutupatia mamlaka, ya kuigeuza dunia yetu. Alijua tungelikabiliana na nguvu za uovu; kwa hivyo Akatupatia mamlaka [na utawala] juu yao. Tunazo silaha sahihi—Jina la Yesu na Neno la Mungu katika vinywa [na ndimi zetu]—ili kushughulika

na nguvu za kipepo.

Pale unapobaini, kwa mfano, ya kuwa mambo yanakwenda hovyo katika taifa lako, ingia katika kuomba kwa bidii katika Roho. Mkemee Shetani na wabia (wajumbe) wake wa giza wenye kuhusika na urubuni, tabu na ubaya, na uwatume malaika kushika zamu katika maeneo ambayo walileta upotofu. Omba mara kwa mara namna hii kuzuia kazi za giza katika taifa lako na duniani kote.

## SALA

Baba Mpendwa, ninakushukuru kwa mamlaka iliyo katika Jina la Yesu katika kulazimisha mapenzi yako duniani na katika maisha ya wanadamu, Jina lako limetukuzwa duniani kote, na Ufalme wako umeinuliwa. Ninashukuru kwa kuimimina haki na wokovu juu ya mataifa; dunia yote imejawa na utukufu wako. Haleluya!

### **MAFUNZO ZAIDI:**

Luka 18:1; Warumi 8:26-27

---

#### **MPANGO WA KUSOMA BIBLIA KWA MWAKA 1:**

Yohana 7:25-8:1-11 & 1 Wafalme 18-19

---

#### **MPANGO WA KUSOMA BIBLIA KWA MIAKA 2:**

Marko 10:32-45 & Hesabu 19

## UNABII KAMA SILAHA



*Mwanangu Timotheo, nakukabidhi agizo hilo liwe akiba, kwa ajili ya maneno ya unabii yaliyotangulia juu yako, ili katika hayo uvipige vile vita vizuri*  
*(1 Timotheo 1:18).*

Biblia inasema, “*Maana ingawa tunaenenda katika mwili, hatufanyi vita kwa jinsi ya mwili*” (2 Wakorintho 10:3). Kwa maneno mengine ni kuwa, ijapokuwa twaishi katika mwili wa kibinadamu, vita vyetu si kulingana na mwili. Ndiposa mstari wa 4 hutuambia kuhusiana na silaha za vita vyetu: “(*maana silaha za vita vyetu si za mwili, bali zina uwezo katika Mungu hata kuangusha ngome;*)”.

Silaha hizi si za kutengenezwa na mwanadamu au kuvumbuliwa kwa akili ya kibinadamu; bali, zinafanya kazi kupitia Mungu hata kuweza kuziangusha ngome.

Haijalishi hata ziwe ni gome za namna gani; ama ziwe ngome za kitaaluma, ngome za kiakili, ngome za kisiasa, ngome za kisayansi, au ngome za kitabibu! Tunazo silaha za kuzisambaratisha ngome hizi ovu na kuzipoza kabisa hata zisiwe na matokeo. Haleluya!

Roho Mtakatifu, kupitia Mtume Paulo, hutuambia kuhusiana na mojawapo ya silaha hizi fanisi za vita vyetu katika andiko letu la ufunguzi – unabii! Tumia unabii kama silaha ungali ukipigana vita vya kiroho kwa Imani.

Neno la Mungu kuhusiana na wewe ni unabii. Kwahiyo, siku zote tamka Neno Lake.

Neno la Mungu kutoka kinywani mwako ni upanga wa Roho ("rhema" ya Mungu). Haya ni matamshi yaliyovuviwa ya Neno la Mungu kutoka katika kinywa chako kwa wakati uliopo. Ni neno la kiunabii. Kwa kutumia hilo, waichonga njia yako maishani kutoka utukufu hata utukufu. Waweza kuumba tena na kupangilia tena maisha yako. Unaweza kuondosha mpangilio wa matukio mabaya katika maisha na mazingira yako.

Ni kitu gani Mungu amesema kuhusiana na wewe? Ni kitu gani amesema kuhusiana na nafsi zilizopotea? Amesema nini kuhusiana na maisha yako? Yatumie maneno hayo ili kupigana vita na kusababisha mapenzi Yake yathibitike maishani mwako, katika taifa lako na katika maisha ya waume kwa wanawake duniani kote.

## SALA

Ninatangaza ya kuwa haki imethibitika katika mioyo ya wanadamu duniani kote; na kwa kuitia kweli ya Injili, wokovu, uponyaji na afya, usitawi na mafanikio, ukombozi, utimilifu, kuhifadhiwa, amani na furaha husambaa katika mataifa ya dunia, katika Jina la Yesu. Amina.

### **MAFUNZO ZAIDI:**

1 Wakorintho 14:3-5; 1 Wakorintho 14:39 NLT

#### **MPANGO WA KUSOMA BIBLIA KWA MWAKA 1:**

Yohana 8:12-30 & 1 Wafalme 20-21

#### **MPANGO WA KUSOMA BIBLIA KWA MIAKA 2:**

Marko 10:46-52 & Hesabu 20



## IMANI NA DHAMIRI NJEMA



*Uwe mwenye imani na dhamiri njema,  
ambayo wengine wameisukumia mbali,  
wakaangamia kwa habari ya Imani  
(1 Timotheo 1:19).*

**K**utoka katika andiko letu la mada, tunabaini muuganiko kati ya Imani na dhamiri njema (safi). Unavihitaji vyote viwili ili kuwa na maisha ya Kikristo yenyewe uwiano na ufanisi.

Dhamiri yako ni sauti ya roho yako. Dhamiri yako inaweza kuaminika, lakini itakuwa tu ya kutegemewa kama roho yako imeelimishwa na Neno la Mungu. Baadhi ya watu hufanya mambo mabaya; warafadhili au kushiriki katika matendo ya ubaya, vurugu na umwagaji damu. Na dhamiri yao inawaruhusu kufanya mambo kama hayo. Ni kwanini? Ni kwasababu ya hali ya roho zao. Dhamiri zao zimeelimishwa kuruhusu ubaya na uovu wa namna hiyo. Dhamiri zao zimechomwa moto (1 Timotheo 4:2). Lakini kama roho yako imefunzwa kwa Neno la Mungu, utakuwa na sauti ya Mungu moyoni mwako, na itakuwa tofauti.

Biblia inasema kutoka moyoni mwako – katika roho yako hutoka chemchemi za uzima (Mithali 4:23). Ni muhimu hivyo basi, ukaifunza roho yako kwa Neno ili

likawe mwongozo thabiti. Kamwe usiruhusu mawazo na fikra hasi (mbaya); fikra za uchungu, ubaya, uovu, vurugu au ukatili zichipue ndani yako.

Wakolosai 3:16 inasema, "*Neno la Kristo na likae kwa wingi ndani yenu....*" Weka Neno la Mungu moyoni mwako kwa wingi, na utaweza kutiisha kila fikra hasi (mbaya) kulitii Neno la Mungu (2 Wakorintho 10:5). Haleluya!

## UKIRI

**Neno la Mungu limepandikiza hekima katika roho yangu na kufanya upya ufahamu wangu kufikiri fikra za kiungu; fikra zenye kuendana na kusudi la milele la Mungu na mapenzi Yake kwa maisha yangu! Ninazalisha mambo mazuri kutoka rohoni mwangu leo, katika Jina la Yesu. Amina.**

### **MAFUNZO ZAIDI:**

Mithali 4:20-23; 1 Timotheo 1:19 AMPC;  
1 Timotheo 4:15 AMPC

#### **MPANGO WA KUSOMA BIBLIA KWA MWAKA 1:**

Yohana 8:31-47 & 1 Wafalme 22

#### **MPANGO WA KUSOMA BIBLIA KWA MIAKA 2:**

Marko 11:1-11 & Hesabu 21



IJUMAA 19

## ZINGATIA KAZI ULIYOPEWA



*...Mimi nalikuja ili wawe na uzima, kisha wawe nao tele (Yohana 10:10).*

Mojawapo ya vitu vizuri kuhusiana na kuligundua inakufanya kuzingatia (Kuweka umakini). Kusudi lako linayaelezea maisha yako, likikupa umakini na mwongozo. Kisawe (neno jingine) la kusudi ni "nia" au "azimio." Nia au azimio kamwe haliwi la ujumla; lazima kuwe na udhahiri, umahususi na upekee ili kupata kuwa na uhalisi na ufanisi.

Bwana wetu Yesu alikuwa na kusudi dhahiri la kuja katika dunia, na Akalielezea bila kificho. Alisema, "*Nalikuja ili wapate kuwa na uzima, na kuwa nao tele*" (Yohana 10:10).

Neno linasema katika 1 Yohana 3:8: "*Kwa kusudi hili Mwana wa Mungu alidhihirishwa, ilia pate kuziharibu kazi za ibilisi.*" Ndipo katika Luka 19:10, Yesu akatangaza, "*Mwana wa adamu alikuja kutafuta na kuokoa kile kilichopotea. Kusudi Lake lilikuwa wazi: Alikuja kutenda mapenzi ya Baba.*"

Alisema, "*Kulishwa kwangu huja kutokana na kutenda mapenzi ya Mungu aliyenituma, na kutoka katika kumaliza kazi yake*" (Yohana 4:34 TLB). Tunaona hilo katika kauli ya Yesu, kanuni ya maisha yenye nguvu imefunuliwa: kushughulikia na kutimiliza kusudi lako la kiungu ndio utoshelevu wa kweli maishani; ndio mafuta yenye kuifanya injini yako itembee ukiwa katika uso wa dunia hii. Hata katika maisha ya kawaida, ni mambo

machache huhamasisha, hahuisha, au kuchochea ujasiri ukilinganisha na kulifuatia kusudi lako na kulikamilisha.

Pia tunaona kusudi limeelezewa katika masimulizi ya Paulo juu ya kukutana kwake na Yesu barabarani akielekea Dameski (Matendo 26:13-16). Alimtokea Paulo ili kumfanya kuwa mtumishi na shuhuda (Matendo 26:16). Ukiendelea kusoma Zaidi, Akamfunulia Paulo kwamba alitakiwa "...afumbue macho yao, na kuwageuza waiache giza na kuielekea nuru, waziache na nguvu za Shetani na kumwelekea Mungu; kisha wapate msamaha wa dhambi zao, na urithi mionganoni mwao waliotakaswa kwa imani iliyio kwangu mimi." (Matendo 26:17-18).

Hili lilikuwa ndio kusudi la kuishi kwa Paulo; hili ilikuwa ndio kazi ya maisha yake, na akasema katika mstari wa 19, "Sikuyaasi yale maono ya mbinguni." Ndipo katika 1 Wakorintho 9:26, alisema, "Hata mimi napiga mbio vivyo hivyo, si kama asitaye; napigana ngumi vivyo hivyo, si kama apigaye hewa." Kwa maneno mengine, ninazingatia jukumu langu; niko makini kuhusiana na kutekeleza mpango wa Mungu kwa maisha yangu. Hivyo ndivyo inapaswa kuwa. Zingatia jukumu lako, katika kusudi lako ulilopewa na Mungu. Utukufu kwa Mungu!

## SALA

**Baba Mpendwa, sitetereki, ninabidii, ni thabiti, imara na mwenye kuzingatia jukumu na kusudi langu ambalo kwalo na liumbwa. Ninakutumikia kwa moyo wote kama shahidi wa Injili ya Kristo nikiwa na uthabiti kuhusiana na kutimiliza kusudi lako kwa maisha yangu, katika Jina la Yesu. Amina.**

### MAFUNZO ZAIDI:

Matendo 26:16-18; Matendo 23:11

#### MPANGO WA KUSOMA BIBLIA KWA MWAKA 1:

Yohana 8:48-59 & 2 Wafalme 1-3

#### MPANGO WA KUSOMA BIBLIA KWA MIAKA 2:

Marko 11:12-26 & Hesabu 22



JUMAMOSI 20

## IJUE NA UTEMBEE KATIKA KWELI



*Tena mtaifahamu kweli, nayo hiyo kweli  
itawaweka huru (Yohana 8:32).*

Pale watu ambapo hawaijui kweli, wanaamini uongo, na matokeo yake, wanataabika maishani, Mungu alisema, “*Watu wangu wanaangamia kwa kukosa maarifa*” (Hosea 4:6). Hili linagusa moyo kiukweli; ndio sababu mojawapo tunawafundisha watu wa Mungu Neno Lake kupitia Makala hii ili wakatembee katika kweli, na katika uhalisi wa kiumbe kipy!

Kweli ni nini na ni namna gani Mungu anakuona? Kweli ni uhalisi; kweli ni Neno la Mungu. Katika Yohana 17:17, Yesu alisema, katika sala Yake kwa Baba, “*Neno Lako ndio kweli.*” Wengi wamefanya maisha yao kuwa katika matatizo na kupitia kushindwa, huzuni, giza, udumavu na magonjwa kwasababu ya kukosa kwao maarifa ya Neno la Mungu.

Lakini shukurani iwe kwa Mungu! Biblia inasema kwa kupitia maarifa mwenye haki atakombolewa; maarifa ya wewe ni nani ndani ya Kristo, na urithi wako ndani Yake utageuza kiwango chote cha maisha yako. Elewa kuwa kama Mkristo, wewe ni kizazi tofauti. Biblia inasema, “*U mzaao mteule...*” (1 Petro 2:9). Neno “mzaao” ni sawasawa na Neno la “kizazi.” U kizazi cha kipekee, mkuu kwa maradhi, magonjwa na kila kilicho cha giza na ibilisi.

Pia, una maisha yasiyobatilika – maisha ya ushindi, ubora na utukufu mkuu. Ni maisha yasiyoweza kuathiriwa na tauni wala ugonjwa wowote. Hauwezi kuathiriwa au kuharibiwa kwa sumu, Yesu alisema, “*Na ishara hizi zitafuatana na hao waaminio... hata wakinywa kitu cha kufisha, hakitawadhwuru kabisa...*” (Marko 16:17-18).

Unatakiwa kujua, na kutamka kwa kudhamiria kweli hizi kuhusiana na wewe kila baada ya wakati fulani, U mshirika wa asili ya Mungu. Uzima ulio ndani yako ni wa kiungu na unadumishwa na Roho wa Mungu aishiye ndani yako: “*Lakini, ikiwa Roho Wake yeye aliyemfufua Yesu katika wafu anakaa ndani yenu, yeye aliyemfufua Kristo Yesu katika wafu ataihuisha na miili yenu iliyo katika hali ya kufa, kwa Roho wake anayekaa ndani yenu.*” (Warumi 8:11). Ishi ukiwa na ufikiri (ufahamu) huu na ujizoeze katika kweli hizi!

## UKIRI

Roho yule yule aliyemfufua Yesu kutoka mauti hukaa ndani yangu; kwahiyio, ninahuishwa na nguvu za Mungu – roho, nafsi na mwili. Ninajizoeza katika kweli hizi na kutembea katika afya. Kutohana na maisha ya kiungu ndani yangu, ninaishi kishangilizo juu ya maradhi, magonjwa na madhaifu, katika Jina la Yesu. Amina.

### MAFUNZO ZAIDI:

Luka 10:19; Warumi 8:11; Zaburi 82:5-7

#### MPANGO WA KUSOMA BIBLIA KWA MWAKA 1:

Yohana 9:1-41 & 2 Wafalme 4-5

#### MPANGO WA KUSOMA BIBLIA KWA MIAKA 2:

Marko 11:27-33 & Hesabu 23



JUMAPILI 21

## UMEKUBALIWA NA YEYE



*Kama vile alivyotuchagua katika Yeye...  
ili tufanywe wanawe kwa njia ya Yesu  
Kristo... ambayo ametuneemesha katika  
huyo Mpendwa (Waefeso 1:4-6).*

Baadhi ya watu wanaishi maisha yao wakiwa na tumaini kuwa Mungu atawakubali kwasababu ya matendo yao mema. Lakini matendo yetu mema hayatoshelezi kutupa kusimama sawasawa na Mungu. Unaweza kuwa hata unapitia hali fulani na kufikiri, "Ninapoyatazama maisha yangu, sioni hata dhambi yoyote, sasa ni kwanini ninapitia haya?"

Vyema, Biblia inasema, "*Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu; wala si kwa matendo, mtu awaye yote asije akajisifu*" (Waefeso 2:8-9). Zaidi ya hapo, Wagalatia 2:16 inasema, "*Maana kwa matendo ya sheria hakuna mwenye mwili atakayehesabiwa haki.*"

Kujitaabisha ili kuishi sawasawa, kumpendeza Mungu ili ukapate kukubaliwa na Yeye haina maana. Ni kwanini ukajitaabishe sana, ukihangaika kumpendeza Yeye angali Roho tayari kwa kupitia Neno anatuuta, "*tumekubaliwa katika huyo mpendwa*" (Waefeso 1:6)? Umekubaliwa na kutangazwa kuwa mwenye haki mbele za Mungu.

Umekubaliwa na kutangazwa kuwa mwenye haki mbele za Mungu. Ikubali kweli hii na sasa uishi kwa ajili

ya kumpendeza Yeye ipasavyo.

Mungu alikuchagua kabla ya kuwekwa misingi ya dunia ili ukawe mtakatifu na usiye na kulaumiwa mbele Zake katika upendo, na alikupangia hapo kabla ukakubalike uweponi Mwake. Hiki ni sehemu ya kile ambacho haki Yake rohoni mwako imekuzalishia; unaweza kusimama kwa ujasiri katika uwepo wa Mungu pasi na hatia, kujiona finyu au kuhukumiwa. Ndani ya Kristo una kusimama sawasawa mbele za Mungu. Haleluya!

Sasa kuwa umezaliwa tena, wakaa uweponi mwa Mungu, u katika uhuru wa kumtumikia kama Atamanivyo. Hadi na mpaka pale hili litakapokuwa ndio ufahamu wako wa saa hii, kuenenda kwako kama Mkristo kutakuwa kwa taabu. Lakini haipaswi kuwa. Ukristo kwako wapaswa kuwa ni uzoefu wa ushirika wa kiungu kila siku.

## SALA

**Mpendwaa Baba wa mbinguni, ninakushukuru kwa upendo, neema, na haki yako vyenye kutenda kazi ndani yangu. Ninakushukuru kwa kunteua kuwa mtakatifu na asiye na sababu ya kulaumiwa mbele zako katika pendo. Ninatembea katika hekima leo, nikitimiliza mapenzi yako mema na kuzalisha kazi za haki, katika Jina la Yesu. Amina.**

### **MAFUNZO ZAIDI:**

Warumi 8:1-2; Waefeso 2:8-10;  
Waefeso 1:4-6 AMPC

#### **MPANGO WA KUSOMA BIBLIA KWA MWAKA 1:**

Yohana 10:1-21 & 2 Wafalme 6-7

#### **MPANGO WA KUSOMA BIBLIA KWA MIAKA 2:**

Marko 12:1-12 & Hesabu 24

# Nukta

ukta  
N

Nukta

l k t a  
n u z



JUMATATU 22

## MAISHA MAPYA KWA KIUMB KIPYA



*Msiambiane uongo, kwa kuwa mmevua kabisa utu wa kale, pamoja na matendo yake; mkivaa utu mpya, unaofanywa upya upate ufahamu sawasawa na mfano wake yeeye aliyeuumba (Wakolosai 3:9-10).*

**P**ale ulipozaliwa katika dunia hii, ulikuja na uzima wa kibinadamu kutoka kwa wazazi wako. Haya yalikuwa ndio maisha uliyoishi mpaka pale ulipozaliwa tena, na kupokea uzima [na maisha] mengine: uzima na asili ya Mungu. Kwahivyo, hili maana yake ni kuwa una aina mbili za uzima ndani yako: uzima wa kibinadamu na vile vile uzima wa kiungu? Hapana sivyo!

Kama Mkristo, unao uzima mmoja tu, nao ni uzima wa Mungu. Uzima wa kibinadamu ulisitishwa kwasababu ulibadiliwa na uzima na asili hii ya Mungu. Haukupokea uzima wa ziada; ila ni kumezwa kwa uzima wa kale kwa ule mpya.

Biblia inasema katika 2 Wakorintho 5:17, “*Hata imekuwa, mtu akiwa ndani ya Kristo amekuwa kiumbe kipyta; ya kale yamepita tazama! Yamekuwa mapya.*” Matumizi ya neno “kiumbe” katika mstari huu hutujulisha kuwa kile kinachoelezewa hapa hakitambulikani: ni kitu fulani kipyta na kigeni kiasi kwamba dunia haikitambui

kwasababu haijawahi kukiona hapo kabla.

Hicho ni kama kile Biblia isemacho katika 1 Yohana 3:1, "*Tazameni, ni pendo la namna gani alilotupa Baba, kwamba tuitwe wana wa Mungu; na ndivyo tulivyo. Kwa sababu hii ulimwengu haututambui, kwa kuwa haukumtambua yeye.*" Sasa tungalipo wana wa Mungu, dunia haitutambui kwasababu tumebadilishwa.

Wala hatuko tena chini ya maradhi, magonjwa, kushindwa, au mauti. Tu viumbe wapya, tuliozaliwa na uzima na asili ya Mungu yenye kupita uhai wa kawaida wa kibinadamu. Huu ndio ujumbe wa Kristo. Hii ndio sababu ya kuja Kwake: "*Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake*" (Yohana 1:12). Haleluya!

## UKIRI

Ninatamka kuwa Yesu Kristo ni Bwana wa maisha yangu, na uzima na asili Yake vипитавыо uzima wa kawaida wa kibinadamu vimepandikizwa katika roho yangu. Uzima wangu wa kale umemezwa kabisa kwa uzima wa kiungu, ambao ni mkuu kwa maradhi, magonjwa, kushindwa na ubatili wa mtu wa kawaida. Asifiwe Mungu milele yote!

### MAFUNZO ZAIDI:

1 Yohana 5:11-13; 2 Wakorintho 5:21;  
Waefeso 1:4-6 AMPC

#### MPANGO WA KUSOMA BIBLIA KWA MWAKA 1:

Yohana 10:22-42 & 2 Wafalme 8-9

#### MPANGO WA KUSOMA BIBLIA KWA MIAKA 2:

Marko 12:13-17 & Hesabu 25



JUMANNE 23

## NAMNA TOFAUTI YA UHADI



*Tena kwa hayo ametukirimia ahadi kubwa mno, za thamani, ili kwamba kwa hizo mpate kuwa washirika wa tabia ya Uungu, mkiokolewa na uharibifu uliomo duniani kwa sababu ya tamaa (2 Petro 1:4).*

**N**eno lililotafsiriwa kama “ahadi” katika mstari wetu wa ufunguzi linahitaji kueleweka vizuri. Katika Agano Jipya, neno lilo hilo la Kigiriki limetafsiriwa kama “ahadi” zaidi ya mara hamsini. Hata hivyo, katika 2 Petro, neno lingine la Kigiriki lilitafsiriwa kama “ahadi” mara mbili. Hii ilikuwa ni namna mpya ya ahadi, lakini waliotafsiri Biblia hawakuyatofatisha maneno haya mawili. Nitaelezea.

Aina ya kwanza ya ahadi huzungumzia wakati ujao. Ni kama pale mtu asemapo, “Nitakupatia bilioni 4 kesho.” Hiyo ni ahadi. Lakini kuna aina nyingine ambapo mtu anakuambia, “Nitakupatia bilioni 4,” alafu anaendelea na kuandika hundi yenyeye tarehe ya leo. Sasa, ile hundi ni ahadi, si fedha.

Ahadi ni kwamba kama utaipeleka ile hundi benki, fedha itakuwepo pale. Kwahiyoo, inategemea na lini wataka kuichukua. Kama aina ya kwanza ya ahadi ikishindikana, kunaweza kusiwepo na madhara; lakini si hii ya pili; haipaswi kabisa kushindikana. Kama ikishindikana, hilo ni kosa la jinai katika ulimwengu wa kiuchumi, kwasababu

itakuwa ni hundi batili.

Aina ya pili ya ahadi ndio hiyo iliyoadikwa katika mstari wetu wa ufunguzi. Hizi si ahadi za wakati ujao, lakini ni ahadi zinazobebwa utimilifu tayari. Tayari zi halisi, na zinasubiri ni lini wataka "kuzitoa" (kuzitumia).

Baini tena kile Biblia isemacho: "*Tena kwa hayo ametukirimia ahadi kubwa mno, za thamani, ili kwamba kwa hizo mpare kuwa washirika wa tabia ya Uungu....*" Hii maana yake kuwa kwa kuzitumia ahadi hizi za thamani, tunakuwa washirika wa namna [na asili] ya Mungu. Haleluya! Ni wakati wa kuzitumia hundi zako na kuanza kushiriki katika uzoefu wa kiungu. Lakini wazitumia kwa namna gani? Ni kwa kuzungumza lugha ya Mungu; ni kwa kutamka maneno ya Imani kwa kukubaliana na Mungu.

## SALA

Baba mpendwa, ninashukurani sana kwa ufhari wa kushiriki katika uzoefu wa kiungu. Mimi ni mshirika wa namna ya Mungu, nimebadilishwa katika roho kuja katika taswira na mwonekano wa Mwana wa Mungu! Ninatenda kutokea mahali pa faida, ushindi, utawala na nguvu, nikiongozwa na kusukumwa na hekima Yake ya kiungu kutenda mapenzi yako na kutimiliza hatma yangu ndani ya Kristo, katika Jina la Yesu. Amina.

## **MAFUNZO ZAIDI:**

1 Yohana 5:11-12; Wagalatia 3:16; 2 Wakorintho 1:20

### **MPANGO WA KUSOMA BIBLIA KWA MWAKA 1:**

Yohana 11:1-16 & 2 Wafalme 10-12

### **MPANGO WA KUSOMA BIBLIA KWA MIAKA 2:**

Marko 12:18-27 & Hesabu 26

## KUUENDELEZA UFALME



*...Kwa maana Ufalme ni wako, na nguvu,  
na utukufu, hata milele. Amina  
(Mathayo 6:13).*

**K**atika sehemu ya mwisho ya mfumo wa sala ambayo Yesu aliwapa wafuasi Wake, Aliwafundisha kusema, “Ufalme ni wako.” Alikuwa akimaanisha Ufalme wa Mungu. Lakini katika Injili ya Mt. Mathayo, kuna maelezo mengine, “Ufalme wa mbinguni,” ambao, ijapokuwa neno linatumika kwa mbadilishano na Ufalme wa Mungu, ila inatofautiana.

Angali Ufalme wa Mungu maana yake ni utawala na mamlaka ya Mungu ambayo hupita mipaka na kufika ulimwenguni kote, Ufalme wa mbinguni zaidi hutumika katika kumzungumzia Masihi, Yesu Kristo, na utawala Wake wa Kimsa. Ndio sehemu ya Ufalme wa Mungu ulioanzishwa duniani na unaongozwa na Yesu.

Maono ya Ufalme wa mbinguni ni kuuthibitisha na kusambaza Ufalme wa Mungu duniani; ni kazi ya Yesu Kristo, ambao sisi, Kanisa, tu sehemu yake muhimu. Ni muhimu kwa sisi kujua wajibu wetu. Kila mmoja wetu analo jukumu, kwanza, katika kuhakikisha Ufalme wa

Mungu unaenea, kwasababu sisi ni wa Ufalme huo: “*Bali utafuteni kwanza ufalme wake, na haki yake; na hayo yote mtazidishiwa*” (Mathayo 6:33).

Agizo la Bwana ni kwa sisi kuutafuta kwanza Ufalme wa Mungu na haki Yake hutuita kila mmoja wetu kupangilia upya vipaumbele vyetu na kuendana navyo. Shauku yako kuu iwe kwa Ufalme kuendelea kupidia wewe kadri unapoiathiri dunia yako kwa Injili.

Wekeza muda, jitihada, na mali zako katika kuendeleza Injili. Kuna mengi sana waweza kufanya huhakikisha Neno la Mungu linashinda katika mji, mkoa au nchi yako, na duniani.

## SALA

**Baba Mpandwa, nimejidhatiti, kuliko wakati wowote, kusambaza, hata kufikia miisho ya dunia, ile habari tukufu ya wokovu wa Kristo na kazi Zake za ajabu kwa wanadamu. Ufalme wa Mungu umesikwa moyoni mwangu: amani, uzuri, utukufu, neema, na uzima wa Mungu hutenda kwa ufanisi katika roho yangu; vikidhihirika ndani yangu na kupidia mimi. Kupidia mimi, Neno hushinda katika mji wangu, mkoa, nchi yangu, na dunia. Ahimidiwe Mungu!**

### **MAFUNZO ZAIDI:**

Yohana 3:3-7; Mathayo 10:7

#### **MPANGO WA KUSOMA BIBLIA KWA MWAKA 1:**

Yohana 11:17-57 & 2 Wafalme 13-15

#### **MPANGO WA KUSOMA BIBLIA KWA MIAKA 2:**

Marko 12:28-34 & Hesabu 27



ALHAMISI 25

## MAFUNZO KWA AJILI MAJUKUMU MAKUBWA ZAIDI



*Kwa maana Ufalme wa Mungu si tu mazungumzo matamu; ni kuishi kwa nguvu za Mungu (1 Wakorintho 4:20 NLT).*

**K**atika somo letu lililopita, tulijifunza kuhusiana na Ufalme wa mbinguni na namna ambavyo kusudi lake ni kuuthibitisha Ufalme wa Mungu duniani. Lakini Ufalme wa mbinguni ni nini? Inazungumzia serikali ya kisiasa ya Yesu Kristo. Biblia inasema, "...na uweza wa kifalme utakuwa begani mwake" (Isaya 9:6). Hii inazungumzia miundo Yake na mpangilio wa kisiasa.

Ijapokuwa Ufalme wa mbinguni uko duniani na watenda kazi, bado hauwaongozi watu. Kuelewa hili, fikiria kuhusiana na chama cha siasa ambacho tayari kinaendesha shughuli zake na kina wanachama, lakini bado hakijashika utawala wa serikali ya jamhuri au taifa hilo.

Pale chama hicho mwishowe kinaposhika serikali, kila kitu kinabadilika. Kwa namna iyo hiyo, pale ambapo Ufalme wa Mungu umethibitika kabisa na kweli kweli katika dunia; ndiposa, Ufalme wa mbinguni utashika hatamu! Lakini kwa sasa, miundo ya kiasasia duniani leo itaendelea kuperomoka, na dunia itaendelea kuwa na matatizo zaidi mpaka pale Unanyakuo utakapotukia. Ndiposa kipindi cha dhiki kuu kitafuata, ambacho baada yake sasa Bwana Yesu atatokezea mbinguni.

Biblia inasema katika Danieli 7:27 "Na ufalme, na mamlaka, na ukuu wa ufalme, chini ya mbingu zote,

*watapewa watu wa watakatifu wake Aliye juu; ufalme wake ni ufalme wa milele, na wote wenyenye mamlaka watamtumikia na kuntii.*" Katika ujio Wake wa pili, Bwana Yesu anachukua Ufalme! Atasimika miundo Yake ya kiasasa hapa duniani, na kutawala. Haleluya! Atatawala na kuongoza, na mwishowe, Atawasilisha Ufalme kwa Mungu, Baba.

Elewa kuwa yote tunayomfanyia Bwana dunani leo siyo mwisho kwa maana kuwa yatatokomea kabisa; bali hayo ni mafunzo kwa ajili ya majukumu makubwa zaidi ya Ufalme yaliyoko mbele yetu. Kwahiyoo, mtumikie Bwana kwa moyo wote, na ujjidhatiti katika ufahamu wako kufanikisha mambo makuu kwa Ufalme, ukijua kuwa kuna "baada ya hapa".

## SALA

Baba Mpendwa, kwa makusudi ninawekeza muda, nishati na mali katika kuelimisha na kuifunza roho yangu kwa ajili ya majukumu makubwa zaidi ya Ufalme yaliyoko mbele yangu. Nimechocheka na kuthibitika kwa maisha ya Ufalme, na kwa Neno. Nimewekwa tayari kwa ajili ya ukuu, nikiishi maisha ya shangilizo, ya usitawi kupitia nguvu na utendaji fanisi wa Neno lako ndani yangu, katika Jina la Yesu. Amina.

### MAFUNZO ZAIDI:

Marko 1:14; Mathayo 3:1-2; Mathayo 10:7

**MPANGO WA KUSOMA BIBLIA KWA MWAKA 1:**

Yohana 12:1-19 & 2 Wafalme 16-17

**MPANGO WA KUSOMA BIBLIA KWA MIAKA 2:**

Marko 12:35-44 & Hesabu 28



IJUMAA 26

## MASWALI MATATU YA MSINGI



*Mwivi haji ila aibe na kuchinja na  
kuharibu; mimi nalikuja ili wawe na uzima,  
kisha wawe nao tele (Yohana 10:10).*

**K**una maswali matatu muhimu katika maisha: “Kitu gani?” “Namna gani?” na “Kwanini?”! Kujua “Kitu gani” ni kuanza kuishi; kujua “namna gani” ni kuanza kufanikiwa; na kujua “kwanini” ni kuanza kutawala; kwasababu hapo ndipo unapotimiliza kusudi.

Iwe wauliza maswali haya katika maisha yako binafsi, kwa ukuaji wako binafsi, biashara, kazi, fedha, familia, au huduma, maswali haya matatu yatamua ulipo. Hata hivyo, swali la msingi zaidi kuliko yote mengine ni: “Kwanini?” Ni swali la zamani za kale ambalo mwanadamu kuitia vizazi na vizazi amepambana nalo.

“Ni kwanini ulizaliwa?” “Ni kwanini u mahali hapa duniani kwa wakati huu?” “Kwanini u mwalimu, daktari, mkulima, mwanasiasa, askari, mwimbaji, au mtumishi wa Injili?” “Ni kwanini wafanya uyafanyayo?” “Kwanini” yako ndilo kusudi lako, sababu ya kuwepo kwako.

Kusudi ni ile sababu ya kwanini jambo fulani linafanyika au kuumbwa au sababu ya kitu fulani kuwepo. Inamaanisha nia (azimio), mtindo, na sababu ya tukio au tendo; na pia inazungumzia uhusika au kufaa kwa kitu fulani.

Kwahiy je, umeligundua kusudi lako? Unajua ni kwanini u katika dunia hii? Nia, maazimio au sababu za matendo ufanyayo ni zippi, na mambo ufanyayo? Ni

kwanini uliumbwaa tena ndani ya Kristo? Neno la Mungu linatoa majawabu ya wazi na maono katika kusudi lako hapa duniani.

Kwa mfano, 1 Peter 2:9 AMPC inasema, “*Lakini ninyi ni uzao teule, ukuhani wa kifalme, taifa takatifu, watu maalumu, wa milki Yake walionunuliwa na [Mungu] mwenyewe, ili mkapate kuyatangaza matendo ya ajabu na kudhihirisha uzuri na ukamilifu Wake aliyewaita mtoke gizani na kuingia katika nuru Yake ya ajabu.*” Uliumbwa ili kumletea Mungu utukufu – kutangaza sifa Zake – kuyatangaza matendo Yake ya ajabu na kudhihirisha uzuri na ukamilifu wake duniani. Hivyo, maisha yako yapaswa kuwa ni kuishi kwa ajili Yake, kumpendeza Yeye na kutimiliza kusudi la kuzaliwa kwako. Haleluya!

## SALA

Baba Mpendwa, nimejazwa kwa maarifa ya mapenzi yako katika hekima na ufahamu wote wa kiroho, na kusudi lako kwa maisha yangu limethibitishwa moyoni mwangu. Kusudi langu ni kukupendeza katika yote, nikitenda kazi njema ulizoniandalia kabla ya wakati. Ninaishi kutimiliza hatma yangu ndani ya Kristo na kukuletea utukufu, katika Jina la Yesu. Amina.

### **MAFUNZO ZAIDI:**

2 Timotheo 1:8-9; Matendo 26:16-18; Waefeso 2:10  
AMPC

#### **MPANGO WA KUSOMA BIBLIA KWA MWAKA 1:**

Yohana 12:20-50 & 2 Wafalme 18-19

#### **MPANGO WA KUSOMA BIBLIA KWA MIAKA 2:**

Marko 13:1-11 & Hesabu 29



JUMAMOSI 27

## KULIJUA NENO LA MUNGU



*Maagizo ya Bwana ni ya adili, Huufurahisha moyo. Amri ya Bwana ni safi, Huyatia macho nuru (Zaburi 19:8).*

Pale tunaposisitiza umuhimu wa kulijua Neno la Mungu, baadhi hudhani kuwa twazungumzia kupata "Maarifa ya Biblia" kutoka katika chuo au taasisi ya kidini. Hilo linaweza kuwa na sehemu yake; lakini kulijua Neno kwa mafunuo na mwongozo wa Roho Mtakatifu ni tofauti.

Kuna wakufunzi wa Biblia ambao walijifunza Biblia kama maarifa ya kitaaluma lakini hawana hata uelewa kidogo wa Neno la Mungu ni nini. Kila andiko limevuvuviwa na Mungu; yaani, maudhui na jumbe za Biblia zimetoka kwa Mungu na zimevuvuviwa na Roho Mtakatifu. Ndio nyaraka Yake ya ile kweli, na ya kuaminika, na ya kutegemewa.

2 Timotheo 3:16 AMPC inasema, "*Kila andiko limevuvuviwa na Mungu (limetolewa kwa pumzi ya Mungu) na lafaa kwa maagizo, maonyo na kushuhudia kuhusu dhambi, kwa masahihisho ya makossa na mafunzo katika utii, [na] mafunzo katika haki (katika kuishi kitakatifu, sambamba na mapenzi ya Mungu katika fikra, kusudi, na tendo)*" Waebrania 4:12 hutuambia kitu kikubwa cha kustaajabisha zaidi kuhusu Neno la Mungu. Inasema, "*Maana Neno la Mungu li hai, tena lina nguvu, tena lina ukali kuliko upanga uwao wote ukatao kuwili, tena lachoma hata kuzigawanya nafsi na roho, na viungo na mafuta yaliyomo ndani yake; tena li jepesi kuyatambua mawazo na makusudi ya moyo.*"

Lakini sasa, Neno la Mungu ni nini? Neno ni ule ujumbe kutoka kwa Mungu wenyewe kufunua au kuzitangaza kazi, mapenzi, mawazo, mipango, makusudi na mafanikio Yake ili kuwaleta watu waingie katika au kuchochea ushirika wao na Yeye katika pendo. Ni ujumbe Wake wa ile kweli ukiwa na maudhui na nguvu ya kujenga taswira Yake ndani ya maisha ya wasikilizaji.

Sasa, maudhui ya Neno ni mjumuisho wa mafunuo, baraka, ukamilifu na maagizo ya Kristo, yenyewe kufaa kwa mafundisho, maonyo, masahihisho, maagizo na kwa mafunzo katika haki. Kwahiyo, kujua au kuwa na maarifa ya Neno maana Yake ni kumjua Mungu katika fikra Zake kuhusiana na kitu chochote. Wajua fikra, mitazamo, mawazo, na ajenda zake; hapo unatazama katika ufahamu wa Mungu au moyo Wake kuhusiana na kitu chochote! Ni la kustaajabisha namna gani!

## SALA

Baba Mpendwa, ninashukuru kwa Neno lako lenye kunisukuma, kuniwezesha, kunihamasisha, kuniinua, kunichochea na kunipa kuona kusudi kwa uwazi. Nimeelimishwa kuzijua fikra, mitazamo, mawazo, na ajenda zake duniani, kwa kadri Roho wako aniongozavyo katika kweli yote, akinifundisha kufanya maamuzi na machaguo sahihi yenyewe kuendana na mapenzi yako kamilifu kila siku, katika Jina la Yesu. Amina.

## MAFUNZO ZAIDI:

Zaburi 19:7; 2 Petro 1:21; 2 Timotheo 3:14-17

**MPANGO WA KUSOMA BIBLIA KWA MWAKA 1:**

Yohana 13:1-30 & 2 Wafalme 20-22

**MPANGO WA KUSOMA BIBLIA KWA MIAKA 2:**

Marko 13:12-23 & Hesabu 30



JUMAPILI 28

## JIKABIDHI KWA MAPENZI YAKE



*Ndipo niliposema, Tazama nimekuja,  
(Katika gombo la chuo nimeandikiwa,)  
(Zaburi 40:7).*

Mungu anakupenda zaidi kuliko unavyo jipenda mwenyewe. Anajua kilicho bora kwa ajili yako na siku zote anataka kilicho bora kwa ajili yako. Kwahiyo, unaweza kumtumainia kwa maisha Yako. Katika Isaya 1:19, Alisema, “*Kama mkikubali na kutii mtakula mema ya nchi;*” Biblia toleo la “Living Bible” inaadidika hili katika namna ya kupendeza Zaidi. Inasema, “Kama tu utaniacha nikusaidie, kama tu ukinitii, basi nitakufanya kuwa tajiri!”

Ashukuriwe Mungu sisi ni wanawe watifu! Hivyo unaweza kumtumaini kukufanya kuwa tajiri na kuyafanya maisha yako kuwa ya kitukufu. Jukumu lako ni kujikabidhi kwa mapenzi Yake kwa kuishi katika Neno Lake. Ni wale tu wasiolijua Neno la Mungu na upendo Wake ndio wenye kutaabika na kujaribu kupambana kusukuma usukani wa maisha yao. Bado hawajajikabidhi kabisa kwa Neno Lake, kwa mapenzi na makusudi Yake.

Pale unapomjua Yeye, unakuwa katika pumziko. Wagundua kuwa ana shauku zaidi kwa mafanikio yako kuliko uwezavyo kuwa. Uvumbuzi huo ulibadili maisha yangu miaka mingi iliyopita. Ikanifanya nijikabidhi kwa

machaguo Yake na kulifuata Neno Lake kwa moyo wote.

Likubali pendo Lake. Wakolosai 1:13 AMPC inasema Ametuhamisha kuja kuingia katika Ufalme wa Mwana wa pendo Lake. Kuwa na ujasiri katika pendo Lake. Thubutu kumuamini, na jikabidhi kwa hatma Aliyokuchagulia. Ni hatma ya kipekee. Na katika Neno Lake, ameweka mpango wote wa maisha yako; namna gani uishi. Lifuate Neno Lake, kwa maana hivyo ndivyo wajikabidhi katika mapenzi Yake. Neno Lake ndio mapenzi Yake katika udhihirisho.

## SALA

---

**Baba Mpendwa, ninakushukuru kwa kunitia nguvu kwa Roho yako kutenda mapenzi yako siku zote. Ninaishi kwa ajili yako pekee, nikiwa nimejikabidhi kabisa kwa mipango na makusudi yako kwa maisha yangu. Maisha yangu ni udhihirisho wa kila siku wa mapenzi yako, na ninatimiliza kusudi na hatma yako kwangu kutoka utukufu hadi utukufu, katika Jina la Yesu. Amina.**

---

### **MAFUNZO ZAIDI:**

Luka 22:41-42; Wafilipi 2:13 AMPC; Waebania 10:7

---

#### **MPANGO WA KUSOMA BIBLIA KWA MWAKA 1:**

Yohana 13:31-14:1-14 & 2 Wafalme 23-25

---

#### **MPANGO WA KUSOMA BIBLIA KWA MIAKA 2:**

Marko 13:24-37 & Hesabu 31

# Nukta

ukta  
N

Nukta

l k t a  
n u z



JUMATATU 29

## YESU NI BWANA NA MUNGU



*...Naye [Mungu] alifanywa kuonekana katika mwili wa binadamu, akihesabiwa haki na utakatifu katika Roho [Mtakatifu], akaonekana na malaika, akahubiriwa katika mataifa, akaaminiwa duniani, [na] kuchukuliwa juu katika utukufu  
(1 Timotheo 3:16 AMPC).*

**M**stari wetu wa ufunguzi hauachi mashaka mhata kidogo kuhusiana na Yesu ni nani; Yeye ni Mungu, aliyeonekana katika mwili wa binadamu, akihesabiwa haki na utakatifu katika Roho, akioneckana na malaika, akihubiriwa katika mataifa, akaaminiwa duniani, na kuchukuliwa juu katika utukufu! Haleluya!

Inakumbusha ile simulizi ya kushitakiwa kwa Yesu kulikoandaliwa haraka kwa hila katika Marko 14:60-63. Makuhani wakuu walipanga njama na baraza la Wayahudi kutafuta Ushahidi dhidi ya Yesu ambao kwa huo wangeliweza kumhukumu kwa adhabu ya kifo, lakini hawakuweza kupata Ushahidi wowote. Ndipo wakamuuliza Yesu, “...Wewe Ndiwe Kristo, Mwana Wake Mtukufu?”

Mwitikio wa Bwana haukuwa na utata wala kusita. Alisema, “...Mimi Ndiye, nanyi mtamuona Mwana wa Adamu ameketi mkono wa kuume wa nguvu, akija na mawingu ya mbinguni.” Kwa hili, wakamhukumu

hata mauti na kumuondosha kwasababu alithubutu kujitangaza kuwa ye ye Ndiye Mwenyewe Mungu katika mwili wa binadamu. Lakini kweli Yeye ni Mungu. Kusema "Yesu ni Mwana wa Mungu" maana yake ni Mungu katika mwili wa binadamu.

Mungu alikuja kwetu katika mwili wa binadamu. Alihukumiwa kwa sababu hiyo. Ndio maana hata Paulo akasema, utimilifu wa Mungu, yaani, Baba, Mwana, na Roho Mtakatifu – injumuisho wa Mungu – wakaa pamoja ndani ya Yesu (Wakolosai 1:19).

Pale usimamapo mbele ya kiti cha enzi cha Mungu, hautaona mwangaza fulani mkali ambao ndio kama Baba, alafu Bwana Yesu akisimama kando kando Yake katika katika kiti cha enzi; wala hautamuona Roho Mtakatifu kama ndege akiruka juu ya kiti cha enzi, hapana! Yesu yu katika kiti cha enzi na Baba yu ndani Yake. Yeye ndiye mwili timilifu na ujumla wa Mungu. Haleluya!

## SALA

**Mtukufu Bwana Yesu, wewe ndiwe Mungu uliyetokea katika namna ya mwanadamu, ukiaminiwa duniani, na kuchukuliwa juu mbinguni. Jina lako ni bora namna gani duniani kote, E Bwana! Wewe ndiwe mwili timilifu na ujumla wa Mungu. Ninakuabudu kwa yule ubili, na asante kwa kujifunua kwa Kanisa lako. Utukufu wako ni wa daima. Amina.**

### **MAFUNZO ZAIDI:**

Yohana 10:30-33; Wafilipi 2:5-6; Wakolosai 1:19 AMPC;  
Yohana 1:1-3

#### **MPANGO WA KUSOMA BIBLIA KWA MWAKA 1:**

Yohana 14:15-31 & 1 Mambo ya Nyakati 1-2

#### **MPANGO WA KUSOMA BIBLIA KWA MIAKA 2:**

Marko 14:1-11 & Hesabu 32



JUMANNE 30

## KUMJUA MKRISTO NI NANI



*Bali ninyi ni mzao mteule, ukuhani wa kifalme, taifa takatifu, watu wa milki ya Mungu... (1 Petro 2:9).*

**U**naweza kusoma [vitabu] vyote vinne vya Injili na usipate picha ya maisha ya Mkristo na Mkristo ni nani hasa. Hii ni kwasababu Injili hazitupatii picha kamili ya maisha ya Yesu baada ya unyakuo Wake. Tukio la maisha Yake kabla ya kupaa lilikuwa ni kwa kifupi sana.

Ndio sababu mojawapo iliyomfanya awaambie wafiasi Wake kuhusiana na Roho Mtakatifu—Roho wa kweli—ambaye atawaonyesha mambo yajayo na kuwaongoza waingie katika kweli yote (Yohana 16:12-13). Kwahiylo, marejeo sahihi kabisa kwa Mkristo, pale ujifunzapo Agano Jipyga, ni zile Nyaraka.

Mtu fulani anaweza kuuliza, "Vipi kuhusiana na kitabu cha Matendo?" Kitabu cha Matendo ni mfululizo wa matukio ya Kanisa changa. Kanisa katika Kitabu cha Matendo ndio kwanza lilikuwa limeanza katika imani, kwahiylo kinaweza kisiwe na maelezo bora ya maisha ya Mkristo; japo ni mahali pazuri pa kuanzia. Lakini kwa maono makuu na ya ndani zaidi katika maisha ya kiumbe kipyga, na kiumbe kipyga ni nani, utatakiwa kujifunza Nyaraka!

Kwa mfano, waraka wa Paulo kwa Kanisa la Warumi—Kitabu cha Warumi—kuna mafundisho ya ajabu kuhusiana na ukuu wa Kristo na imani katika Kristo kama chanzo cha wokovu. Pia, fikiria barua yake nzuri kwa kanisa la Uefeso; inaelezea kwa kina namna ambavyo wakristo wapya wanaweza kukua katika maarifa yao ya

kiroho ya Mung una katika mambo halisi ya Ufalme.

Fikiria kuhusiana na maandisho ya Petro; katika sura ya kwanza mstari wanne wa waraka wake wa pili, alisema, "Tena kwa hayo ametukirimia ahadi kubwa mno, za thamani, ili kwamba kwa hizo mpate kuwa washirika wa tabia ya Uungu..." Ni maelezo ya ajabu namna gani ya Mkristo hasa ni nani: sisi ni washirika au washiriki wa asili ya Mungu; washitriki wa namna [na asili] ya Mungu—wabebaji au wawasilishaji wa uzima wa Mungu. Ni ukweli thabiti sana huu!

Pia kuna neno la kinabii kuhusiana na utawala wa milenia (miaka 1000) wa Kristo: kila kitu ambacho Bwana aliwaahidi Wayahudi katika utawala wa miaka 1000 (milenia) ndicho ambacho tayari amelipatia Kanisa ili kufurahia leo.

Kwahiyo, kama wataka kujua kuhusiana na maisha ya Mkristo na Mkristo ni nani hasa, unahitaji kitabu cha Matendo, mafunuo na maonyo ya nyaraka, na ahadi zote zilizotolewa kinabii kwa Wayahudi katika umilenia (miaka 1000). Haleluya!

## SALA

**Baba Mpendwa, nimesafishwa vizuri, nimelishwa, nimehifadhiwa, na kujengelewa kufikia utu uzima kiroho kwa kupitia kujifunza kweli za kiumbe kipyanya ndani ya Kristo. Ninasonga mbele kwa Roho, na kufaidika kwangu kwa Neno hakuzuiliki, katika Jina la Yesu. Amina.**

### **MAFUNZO ZAIDI:**

Wakolosai 1:26-27; 2 Wakorintho 5:17;  
1 Petro 2:9 AMPC

#### **MPANGO WA KUSOMA BIBLIA KWA MWAKA 1:**

Yohana 15:1-17 & 1 Mambo ya Nyakati 3-4

#### **MPANGO WA KUSOMA BIBLIA KWA MIAKA 2:**

Marko 14:12-21 & Hesabu 33



JUMATANO 31

## KUKUZWA NA NENO



*Kama tunasema sisi ni Wake, tunalazimika  
kufuata mfano wa Kristo  
(1 Yohana 2:6 CEV).*

**K**una elimu kwa roho ya binadamu, lakini pia kuna kuikuza roho ya binadamu. Katika siku hizi za mwisho, kwa kupitia huduma ya Neno na Roho, tunawakuza watu wa Mungu kuwa mashahidi fanisi.

Mwili wa Kristo unakua, na ashukuriwe Mungu kwa kufanya iwezekane kwa watu wengi zaidi kulisikia Neno la Mungu na kukuzwa. Ni sawa sawa na kumtazama mtoto aliyetoka kuzaliwa akikua; inachochea shangwe fulani ndani ya wazazi kadri wanavyotazama mtoto wao akipitia hatua mbalimbali za ukuaji.

Katika hatua fulani ya ukuaji, kitu pekee wazazi wanahitajika kutoa ni maagizo, mwongozo, usimamizi na uelekeo unaotakiwa. Wanahakikisha kuwa Watoto wanakula vyema, wanapata tiba sahihi, wakiishi katika mazingira sahihi, wakifanya mazoezi ya miili yao, na kuendelea.

Lakini mapema vya kutosha, kupitia usimamizi, Watoto wataanza kuzungumza na kujaribu kuenenda kama wazazi wao. Namna hiyo, wamekuzwa; mambo ufanyakayo huwaathiri, nao wanajielekeza zaidi na zaidi kuwa kama wewe. Ni kitu hicho hicho pia kiroho. Mtume Paulo alisema katika 1 Wakorintho 11:1, “*Mnifuate mimi kama mimi ninavyomfuata Kristo.*”

Sasa, kwasababu Bwana yu katika huduma na sisi,

akizungumza na sisi, akitufundisha, akitulisha na kufanya mambo mbele yetu, na tunalo Neno Lake kutupa picha njema, tunakuwa zaidi na zaidi kama Yeye, tukitenda, tukizungumza, tukihusiana na wengine kama ambavyo angelifanya Yeye.

Biblia inasema, "*Na ya kuwa tangu utoto umeyajua maandiko matakatifu, ambayo yaweza kukuhekimisha hata upate wokovu kwa imani iliyo katika Kristo Yesu.*" (2 Timotheo 3:15). Ufungue moyo wako ili ukuzwe na Neno. Pokea kwa unyenyekevu ule upendo, tumaini, imani, uweza, usitawi, kweli, nguvu, utimamu wa akili na mwili ambavyo Neno hukuletea. Likumbatie Neno, lenye kuweza kukufanya mwenye hekima hata kufikia wokovu kupitia imani iliyo ndani ya Kristo Yesu. Haleluya!

## SALA

Baba Mpendwa, maisha yangu ni udhihirisho wa kila ambacho ni Kristo. Ninamdhiihirisha leo kwa dunia kupitia mawazo yangu, maneno na matendo. Dunia humuona Yesu kupitia macho yangu; ninawaonyesha pendo wasiloweza kulipinga. Uzima wake wa kiungu wadhihirika kupitia mimi. Ninaishi katika ufahamu wa uzima wake wa kiungu na asili yake katika Kristo, nikijua kuwa haki Yake, uwezo, na nguvu vyatenda ndani yangu na kupitia mimi, katika Jina la Yesu. Amina.

### **MAFUNZO ZAIDI:**

2 Wakorintho 3:18; Matendo 20:32; 2 Timotheo 3:16-17

#### **MPANGO WA KUSOMA BIBLIA KWA MWAKA 1:**

Yohana 15:18-16:1-16 & 1 Mambo ya Nyakati 5-6

#### **MPANGO WA KUSOMA BIBLIA KWA MIAKA 2:**

Marko 14:22-31 & Hesabu 34

# SALA YA WOKOVU

SALA YA WOKOVU SALA YA WOKOVU SALA YA WOKOVU

Tunaamini ya kwamba umebarikiwa na kitabu hiki cha kila siku. Tunakualika sasa umpokee Yesu Kristo kuwa Bwana wa maisha yako kwa kuomba sala ifuatayo:

“Ee Bwana Mungu, ninaamini kwa moyo wangu wote katika Yesu Kristo, Mwana wa Mungu aliye hai. Ninaamini kuwa alikufa kwa ajili yangu na kwamba Mungu alimfufua kutoka katika wafu. Ninaamini kuwa yu hai leo hii. Ninakiri kwa kinywa changu kwamba Yesu Kristo ni Bwana wa maisha ayangu kuanzia leo. Kupitia Yeye na katika Jina Lake, nina uzima wa milele; nimezaliwa upya. Ahsante Bwana, kwa kuiokoa nafsi yangu! Sasa, mimi ni mwana wa Mungu. Haleluya!

*Hongera! Sasa wewe ni mwana wa Mungu. Ili kupokea taarifa zaidi za namna unavyoweza kukua kiroho kama Mkristo, tafadhali wasiliana nasi kupitia namba za simu zilizoorodheshwa hapo chini:*

---

---

---

**UNITED KINGDOM:**

+44 (0)1708 556 604

+44 (0)8001310604

**SOUTH AFRICA:**

+27 11 326 0971

**CANADA:**

+1 416-667-9191

**NIGERIA:**

+234 1 8888186

**USA:**

+1(800) 620-8522

SALA YA WOKOVU SALA YA WOKOVU SALA YA WOKOVU

# KUMHUSU MWANDISHI

Pastor Chris Oyakhilome, the President of LoveWorld Inc., a dynamic, multifaceted, global ministry, is the author of Rhapsody of Realities, the world's #1 daily devotional, and more than 30 other books. He's a dedicated minister of God's Word whose message has brought the reality of the divine life to the hearts of many.

Billions have been affected by his television broadcast, "Atmosphere For Miracles," which brings God's divine presence right into people's homes. The scope of his television ministry extends throughout the world with LoveWorld satellite television networks, delivering qualitative Christian programming to a global audience.

At the world-renowned Healing School, he manifests the healing works of Jesus Christ and has helped many receive healing through the operation of the gifts of the Spirit.

Pastor Chris has a passion to reach the peoples of the world with God's presence—a divine commission he's fulfilled for over 40 years through various outreaches, crusades, as well as several other platforms that have helped billions experience a victorious and purposeful life in God's Word.



# Nukta

N  
u  
k  
t  
a

SWAHILI

# Nukta

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

nukta



## Rhapsody Of Realities

We will like to know how this devotional has blessed your life. Please write a brief testimony of the impact of Rhapsody of Realities on your life and any Sala request(s) that you may have. We will be happy to pray with you.

### FEEDBACK FORM FEEDBACK FORM

(*please cut along this line.....*)

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

**Thank you for taking time to complete this form. We appreciate your efforts.  
God bless you. Please return this form to any of the addresses overleaf.**

SWAHILI